





593895 II

Mag. St. Dr.





V S V S
ET FABRICA
C I R C I N I


C V I V S D A M P R O P O R T I O N I S ,

Per quem omnia ferè tum Euclidis, tū Mathematicorum
 omnium problemata facili negotio resolvuntur.

Opera & studio **BALTHESARIS CAPRÆ**

Nobilis Mediolanensis explicata.

*Andax et lo
 mazarium pu
 misoni.*



PATAVII, Apud Petrum Paulum Tozzium. M.DC.VII.

Ex Typographia Laurentij Pasquati.

V S V S

ET FABRICA CIRCINI

CIVIS DAM PROPORTIONIS

Per quem omnia seré cum Euclidis, et Mathematicorum
omnium problema facili negotio resoluntur.

Opera et studio BALTHEZARIS CAPRE
Nobilis Medicinensis explicata.



P. PAVLVS A. Quid Fertur Paulum Torzium. M. d. c. l. x. v.



ILLVSTRISSIMO
P R I N C I P I

Ac Domino Domino

IOACHIMO ERNESTO,

Marchioni Brandenburgensi, Boruffiæ, Ste-
tini, Pomeraniæ, Cassubriorum, V Van-
dalarum & Silesiæ Duci in Crossn
& Iegerndorff, &c.

Burggrauio Norimbergensi & Principi
Rugia, &c. Domino suo
Clementissimo. S. P.



PHILIPPO macedone Graciam
occupante, Illustrissime Prin-
ceps, memoria proditum est,
cum Corinthum clarissimam in
faucibus Peloponnesi urbem op-
pugnaret, Corinthios omnes ad
obsidionem eiusmodi repellendã,
multiplici bellicarum rerum o-
pere fuisse occupatos, ij namq; arma parabant, alij urbem
muris ac vallis muniabant, illi lapides apportabant, alij

A 2 Aliud

aliud quid utile subministrabant, Diogenes verò sinope-
ius cognomento Cinnicus, eo tempore Corinthum inhabi-
tans in tanto rerum tumultu cum quid ageret nil certi ha-
beret (sua namq. opera nullus aliqua in re utebatur) ve-
ste sua accinctus, in quo morabatur doliolum circumquaq.
volutare festinabat. Interroganti verò amico quamo-
brem illud ageret, respondiſſe fertur, voluto & ego do-
lium, ne vnus ipse solus inter tot negotiosos viros, ocio-
sus hodie deprehendar. Ego quoq. in hoc clamoſo ſeculo
(Diogenis exemplo) cum omnes Philoſophos, Medicos,
atq. Iuriſperitos maximè occupatos videam, ne solus ſi-
lentij crimine plectendus ſim dolium volutare tentabo, &
ni me mea fallit opinio longe aliter ac Diogenes fecerit, ille
enim per Dolij volutationem quaſi per anigma quoddam
Conciues ſuos docere tentauit, ego verò vt quantum in
me eſt omnibus prodeſſe poſſim, totius Geometria compen-
dium quoddam volutandum prae manibus accipio, de cu-
ius quidem praſtantia ſi verba facere vellem Illuſtriſſi-
me Princeps Mathematica mihi diſcipline laudanda eſ-
ſent, ſicq. nuncupatoria epiſtola in immenſum excreſce-
ret. Verum enimuerò neq. mea ſunt rudi & inornata o-
ratione dehoneſtenda, qua vel ſolo nomine per ſe ſatis lau-
dantur, neq. Illuſtriſſimus Princeps eſt prolixiore ſermo-
ne detinendus. Quare his relictis ad propoſitum meum
magis accedens, cum ſatis diu fabricam & uſum huius
circini proportionis, quem non in merito totius Geometria
compendium nomi nauis, volutaſſem, tandem vt ſub C.T.
nomine in publicum prodiret decreui. Sed quoniam mi-
rabitur proculdubio quilibet, quod ego ita ſuis inter tot Ita-
liae Principes exterum cui hunc librum dicarem elegerim,
ideò vt eius rei cauſam reddere poſſim altius aliquomodo
mihi exordiendum erit. Cum primum itaq. ex humana-
rum literarum academia ad logicalem phyſicamq. ſcien-
tiam

tiam Paris iussu capeſcendam in Gymnaſio Patavino,
 non ſolum propter Profeſſorum doctrinam, ſed etiam pro
 pter exterarum Nationum frequentiam ampliſſimo, me
 contuliſſem, obſervaremꝑ, philoſophiæ parentes Platonem
 & Ariſtotelem abditiora philoſophiæ arcana per mathe
 maticas demonſtrationes nobis proponere, cumꝑ, tandem
 Medicorum dogmata perlustrans inciſiſſem in locum Hip
 pocratis libro de aere, & aqua, & regione dicentis: ſi
 ex altiſſimis conſideraveris inuenies Aſtrogiam non eſ
 ſe minimam partem Medicinae, tandem eo redactus ſum
 ut totis viribus mihi mathematicas diſciplinas compa
 randas eſſe crediderim, illo eodem tempore præter omnem
 expectationem, inter alios Germanos quos mei amantiſ
 ſimos eſſe non ſemel expertus ſum, acceſſit Simon Marius
 Guntzenhuſanus, is illa qua præditus eſt humanitate, &
 rerum mathematicarum cognitione, qua animus meus ma
 xime deſiderabat adè concinnè & miro ordine expoſuit,
 uſi verum dicere fas eſt, mihi potius mirandum ſit pro
 pter hominis induſtriã, quam letandum propter iam
 adeptam ſcientiam. Cum itaq; hic, licet imperfectus,
 ſit præſtantiſſimi viri colturae fructus, iure ille tibi Il
 luſtriſſimo Principi debetur, qui qua es erga ſtudioſos
 omnes benevolentia præditus munificentiſſimos ſumptus
 dicto Simoni ſuppeditans, ut & ipſe ſuam ſcientiam
 apud Italos oſtenderet & ego quod maximè deſiderabam
 conſequerer effeciſti. Accedat quod cum dicto Simone
 narrante ſingulares C. T. animi dotes percepifſem, non
 potui non maximè me tibi deuinctum proſiteri. ſapient
 iſſimè enim Philoſophorum ſapientiſſimus Plato pro
 nunciavit feliciffimè actum iri cum Regno, ubi vel Rex
 ipſe philoſopharetur, ac doctrina animum ſuum excole
 ret, vel ſapientes, & eruditos homines conſtitueret, qui
 totius Regni adminiſtrationem fideliffimè & ſapientiff
 ſimè

simè gererent, quod utrunq; effectum abstemio applau-
su & Gentium omnium acclamatione omnes testantur.
Quare cui hæc magis offerrem quam tibi ex omnibus quos
sol hic vidit unquam de literis, & literarum professo-
ribus merito, videre non potui, quod nullum de Musarū
catu excludere, nec tristem vlla ex parte cum Augusto di-
mittere, sed in auribus & in oculis Traiani illius optimi
exemplo libenter ferre soles, & facilem (quod in Pom-
peio laudat Cicero) te præbere dignaris. Igitur C. T.
hæc lucubrationes cuiusmodicunq; sint ex manu Simo-
nis Marij pacato vultu suscipiat, quod si faciet, non ma-
le ille suam operam collocasse apertissimè cognoscet.
Valeas Datum Patavij Nonis Martij. M. DC. VII.

C. T.

deditissimus

Balthasar Capra.



ILLVSTRÆ

ILLVSTRI,
Ac Optimo Iuueni
D. BALTHASARI
CAPRAE. S. D.



Go verò illud fanè perpulchrum
semper esse existimaui , nobilem
iuuenem in re literaria anteire æ-
quales : at certè longè pulcherri-
mum cum maioribus natu, doctio-
ribusq; equari. ad quam metam
te amantissimè Balthasar peruenif

se tua præclara iam edita testantur opera . nam tùm
Quæstiones Logicas, tùm Tyrocinia Astronomica
adeò dilucidè, adeò politè, & grauitè conscripsisti, vt
merito ea cum sapientissimorum Patrum monimen-
tis conferri posse viderentur . quamobrem de tanto bo-
no tibi summo opere gratulor, mihiq; tui studiosissimo
vehementer gaudeo, speroq; fore, vt quos tuum fæ-
cundum ingenium suauiores indies pepererit fructus,
eos pro tua humanitate, ac iuuandi mortales studio
omnibus degustandos præbeas . Interim maximope-
re cupio, cupiuntq; comunes amici, vt recentem fœ-
turam magnis à te laboribus elucubratam , nempe
egregium illud instrumentum Geometricum Arith-
meticumq; , quod circinum proportionis aptè inscri-
bendum putasti in lucem , conspectumq; hominum
prodire sinas . non vulgarem enim Geometricæ &
Arithmeticæ scientiæ studiosis afferes vtilitatem , &
lumen

lumen non exiguum siquidem huius instrumenti ope
non solum cuncta propemodum Euclidis proplema-
ta, ac plura alia, ne dicam innumerabilia quæ sita bre-
uissime facillimeq; resoluent: sed etiam iisdem ad om-
nēs altitudines, profunditates, nec non locorum in-
tercapedines dimetiendas expeditissima promptissi-
maq; patebit via. ad quod imprimendum, publican-
dumq; præter communem vtilitatem, cui ferè soli
vel Platonis testimonio Homo natus esse videtur, &
præter amicorum auctoritatem, nostramq; illam dul-
cem & studiorum, & animorum coniunctionem, quæ
apud te pro tua benignitate non me latet esse alicuius
momenti; illud quoq; non minimum te mouere de-
bet, vt qui huiusce Instrumenti inuentionem impu-
denter sibi arrogat, patefacto vero, ac germano effe-
ctore, magno suo cum dedecore erubescant, & coram
literatis, & candidis Viris post hac se offerre non am-
plius audeant. his de causis itaq; haud diffido te cha-
rissime Balthasar omnium votis cumulatè satisfactu-
rum. ob quod beneficium qui huic certissime disci-
plinæ operam nauant, ingentes tibi gratias & agent,
& habebunt: atq; tu inde summum decus, immorta-
lemq; gloriam reportabis. Hoc tempore nullum mi-
hi cum ægrotis præpotentis Dei clementia est nego-
tium. & apud me rectè omnia. idem de te faxit Deus
semper audiam. Osculor tibi manus, tuoq; nobilissi-
mo Patri ex animo me commendo, atq; omnibus vi-
tam incolumem, ac summam exopto felicitatem. ex
sumine Kal. Ianuarij 1607.

Tuæ Illustri Dominationi
Seruus deditissimus

Io: Ant: Petrarolus Astunensis Regni
Neapol. Physicus apud summeses.

PRAE-

Lineam Arithmeticaem eiusq; usum an non proposuit Clavius
in Geometria Practica sub nomine Instrumenti parham? At hinc
ab eorum fundamentum est. Clavius vero non ita sum pro-
ponit sed et ab antiquis usurpatum. Proposuit et Adrianus Metius.

Præfatio ad Lectorem.



Dist. 1. q. 1.

BONUM ipsum ex sua natura communicabile esse, hominemq; non sibi ipsi natum iam dudum antea, ni fallor, memorie proditum est, hoc autem adeo certum esse legimus, ut naturali tantum lumine philosophantes coacti sint dicere Deum ubiq; diffundi, non alia sanè ratione, nisi quia bonum latius patet quam vita, quia pluribus conuenit, magis quoq; necessarium est, sublata enim vita cessaret mundus moueri, sublato autem bono esse desineret. non dubitarunt ydem homini publicam utilitatem suo commodo præferenti in hac vita immortalitatis nomen, in futura autem beatitudinis premium polliceri, Latine enim lingua parens Cicero noster lib: vi. Reip: , ut nobis demonstraret quanti sit facienda publica utilitas, aurea illa verba protulit: Quò sis Africane inquit alacrior ad tutandam Remp: sic habeto. Omnibus qui patriam conseruauerint, adiuerint, auxerint certum esse in Cælo diffinitum locum, ubi beati auro sempiterno fruantur. Mirari itaq; non parum subit qui sit, ut cum inter omnes homines ob hoc ipsum quod homines sunt intercedere debeat mutua beneuolentia, nec enim a natura creati sumus, ut nobis solum nostrisq; propinquis, verum etiam alijs, si possibile est, emolumento simus, hac tamen nostra tempestate quã plurimi reperiuntur, qui proprie utilitati nimium inservientes media per quã bonum, quod quidem in hac vita in contemplatione versari nullus est qui ambigat, nobis inuidentes, non solum illa ut deberent patefaciant, ve-

B rum

P R A E F A T I O

rum etiam totis viribus occultare conantur, quod quam rectè fiat manifestum erit si perpeuderint illos, qui literarium studium quantum possunt promouere student hoc privilegio gaudere, ut indies eorum scientia plus splendoris accedat, è contra vero non desint, qui rempublicam literariam amantes, quod ab osoribus fuit occultatum patefacere aggrediantur. Quod si mihi accideret dum fabricam vsuq; circini proportionis hætenus satis occultati molior, haberem sanè de quo gloriarer, est. n. inuentum egregium quod quidem occultum seruare, est non parum studioforum omnium publicam utilitatem retardare. Dum itaq; alij de eius inuentione disputant, non nisiq; summo pretio copiam istius faciunt, decreui eius structuram & vsu publicæ utilitatis causa quantum in me erit dilucidè promulgare. Licet enim satis sciam non defuturum oblatratorem, qui hos meos labores linido suo morsu lacerare conabitur, nihil tamen moror, modo pluribus profem, quid se vni non placeam & postquam ab omnibus probari impossibile est. Nec obijciat quispiam me hæc nõ excogitasse, nam istos libenter audire velim quid responsuri sint ad questionem qua senex quidam doctus alterum interrogauit: Quot putas (inquit) haberemus hodie in mundo doctos viros, si non vteremur aliorum inuentis? Sed quoniam res ipsa detractores istos oportune conuincere potest, ideò satius erit non nihil de huius instrumenti utilitate in medium proferre. Primum enim quis poterit dubitare maximam commoditatem exercitatis ipsis instrumentum hoc nostrum allaturum, si viderit huius beneficio omnia ferè tum Euclidis, tum aliorum omnium mathematicorum problemata maxima cum facilitate resolui & cum satis iam constet compedia non inutiliter nos à varijs operationibus subleuare, hinc enim doctæ antiquitas uaria instrumenta & indagauit, & iam in-

uentia

uenta excoluit. nec iterum obijciat quispiam in mathe-
 maticis versatis superfluum futurum, cum illa omnia
 unius regule & circini beneficio præstari possint, nam
 hac ratione etiam in computationibus astronomicis canon
 hexacontadon rejiciendus esset, qui tamen ab omnibus
 tamquam summè utilis recipitur; sed in super plura sūt,
 quæ istius non dispendiosè compendij opera absoluuntur,
 quæ vix alias summo labore præstari possent, ita ut de
 eius utilitate dubitare, sit vtrò in lumine cecutire vel-
 le. Sed quid dicendum de usu quem Militibus præbet,
 quibus adèò necessaria est mathesis disciplina, tamen ut
 plurimum superficietenus illam libare conantur? potest
 hoc instrumentum talem illis operam præbere, ut ausim
 dicere, quod istius solum beneficio tantum addiscere pos-
 sunt quantum illis sufficiat ad commodè suam artem tra-
 ctandam. Quod si verum est, prout in progressu qui-
 libet cernere poterit, non immerito totius Geometria lau-
 des aliquas sibi arrogare; meq̃ non inutiliter hunc labo-
 rem suscepisse, quilibet sibi persuadere poterit. Interim
 se compello & rogo candidè Lector, ut has meas lucubra-
 ziones boni æquiq̃ consulas, quod si facies ut imposterum
 maiora his audeam non minimam occasionem pariens.

VALE.::






Fabrica Circini Proportionis.

Lineam Linearum in Circino proportionis describere. CAPVT I.



Instrumentum quod componendum suscepimus circini formam possidet, prout in apposita figura A. notata cernitur, sed crura rectè còplanata & leuigata duorum digitorum latitudinem habent, in vtroq; crure ex vtraq; parte à centro per totam circini longitudinem ducuntur quatuor lineæ in extrema instrumenti parte æquidistantes, vt apparet in exemplo B. C. D. E.; & L. M. N. O. figura Caput V. ita vt totum instrumentum sexdecim lineis constituarur. Sed vt primum de anteriori parte sermonem faciamus, suscipimus magis internam lineam explicandam, quæ per litteram B. signata cernitur, hæc quia proportione arithmetica in 100. 200. vel 250. æquas partes, vel plures etiam pro libitu diuidi solet, ab aliquibus linea arithmetica nūcupatur, quam denominationem non improbo, tamen magis mihi arridet nomen desumptum ab operationibus, videbimus enim omnes lineas istius instrumenti operationes habere suo nomini congruentes, prout quando circini vsum explicabimus manifestum erit; sic cum huius lineæ vsum potissimum circa lineas versetur, non immerito quis hanc lineam linearum vocandam esse crediderit. Huius fabrica satis est facilis, postquam nullus est tam rudis artifex, qui non possit lineam aliquam propositam in petitas æquas partes diuidere. diuidatur itaq; vulgari modo in aliquotas æquales partes, numeri de quinq; in quinq; ascendentes apponantur, & sic hæc prima linea perficietur. Quæ etiam summa facilitate diuidi posset per illa, quæ Cap. 3. istius instrumenti vsum tradentes, explicabuntur.



[Faint, mirrored text from the reverse side of the page is visible through the paper.]

F A B R I C A

Lineam superficialium in instrumento describere.

C A P V T I I.

His succedunt duæ aliæ lineæ per literam C. notatæ ; quæ ab aliquibus geometricæ nuncupantur, cum enim Geometria generali vocabulo illa facultas vocetur , quæ in planorum contemplatione versatur, has lineas geometricas vocandas esse crediderunt , vsus enim illarum potissimum circa superficies versatur , sed nos has lineas superficialium semper vocabimus, non tantum propter earum constructionem, quam propter vsum . Verum antequam ad fabricam istius lineæ descendamus necessarium est præmittere hanc tabulam radicum quadratarum, quæ extenditur vsq; ad 200. si quis tamen in instrumento has lineas longiores desideraret facillè sibi ipsi poterit tabellam construere radices quadratas extrahendo prout exemplum in ipsa tabula patere poterit. Vel, & faciliori negotio, illam desumere poterit ex quodam libello Iohannis Hartmanni, cui titulus est: Stereometriæ inanium. noua & facilis ratio &c. quem librum si ego venalem reperissem integram non solum radicum quadratarum sed etiam cubicarum tabulam descripsissem. verum vt dixi cum apud nos hic liber desideretur, tabulæq; prænominatæ maximè sint necessariae ad futuram instrumenti fabricam, ne quid mihi benefaciendi ansam arriperet, proprio Marte duas sequentes tabulas, alteram vsq; ad 200. supputatam reliquam vsq; ad 172. exaravi, quæ satis commodè ad hoc instrumentum componendum sufficere possunt.

Tabulæ

CIRCINI PROPOSITIONIS. 8

Tabula radicum quadratarum

| | | | | | | |
|----|---|-----|----|-----|----|-----|
| 1 | 1 | 000 | 34 | 831 | 67 | 185 |
| 2 | | 414 | 35 | 916 | 68 | 246 |
| 3 | | 732 | 36 | 000 | 69 | 307 |
| 4 | 2 | 000 | 37 | 82 | 70 | 366 |
| 5 | | 236 | 38 | 164 | 71 | 426 |
| 6 | | 449 | 39 | 244 | 72 | 485 |
| 7 | | 645 | 40 | 324 | 73 | 544 |
| 8 | | 828 | 41 | 403 | 74 | 602 |
| 9 | 3 | 000 | 42 | 480 | 75 | 660 |
| 10 | | 162 | 43 | 557 | 76 | 718 |
| 11 | | 316 | 44 | 633 | 77 | 775 |
| 12 | | 464 | 45 | 708 | 78 | 831 |
| 13 | | 605 | 46 | 782 | 79 | 888 |
| 14 | | 741 | 47 | 855 | 80 | 944 |
| 15 | | 873 | 48 | 928 | 81 | 000 |
| 16 | 4 | 000 | 49 | 000 | 82 | 55 |
| 17 | | 123 | 50 | 71 | 83 | 110 |
| 18 | | 242 | 51 | 141 | 84 | 165 |
| 19 | | 359 | 52 | 211 | 85 | 219 |
| 20 | | 472 | 53 | 280 | 86 | 273 |
| 21 | | 582 | 54 | 348 | 87 | 327 |
| 22 | | 690 | 55 | 415 | 88 | 380 |
| 23 | | 796 | 56 | 482 | 89 | 433 |
| 24 | | 898 | 57 | 549 | 90 | 487 |
| 25 | 5 | 000 | 58 | 616 | 91 | 539 |
| 26 | | 99 | 59 | 681 | 92 | 592 |
| 27 | | 196 | 60 | 746 | 93 | 643 |
| 28 | | 291 | 61 | 810 | 94 | 695 |
| 29 | | 385 | 62 | 874 | 95 | 746 |
| 30 | | 477 | 63 | 937 | 96 | 798 |
| 31 | | 567 | 64 | 000 | 97 | 849 |
| 32 | | 657 | 65 | 62 | 98 | 899 |
| 33 | | 744 | 66 | 124 | 99 | 949 |

Residuum Tabulae radicum quadratarum.

| | | | | | | |
|-----|----|------|----|------|----|------|
| 101 | 10 | 49 | 34 | 575 | 67 | 922 |
| 2 | | 99 | 35 | 618 | 68 | 961 |
| 3 | | 148 | 36 | 661 | 69 | 1000 |
| 4 | | 198 | 37 | 704 | 70 | 1038 |
| 5 | | 246 | 38 | 747 | 71 | 1076 |
| 6 | | 295 | 39 | 789 | 72 | 1114 |
| 7 | | 344 | 40 | 832 | 73 | 1151 |
| 8 | | 392 | 41 | 874 | 74 | 1188 |
| 9 | | 440 | 42 | 916 | 75 | 1224 |
| 10 | | 480 | 43 | 958 | 76 | 1260 |
| 11 | | 535 | 44 | 1000 | 77 | 1304 |
| 12 | | 583 | 45 | 1041 | 78 | 1341 |
| 13 | | 630 | 46 | 1083 | 79 | 1379 |
| 14 | | 677 | 47 | 1124 | 80 | 1416 |
| 15 | | 723 | 48 | 1165 | 81 | 1453 |
| 16 | | 771 | 49 | 1206 | 82 | 1490 |
| 17 | | 816 | 50 | 1247 | 83 | 1527 |
| 18 | | 862 | 51 | 1288 | 84 | 1564 |
| 19 | | 908 | 52 | 1328 | 85 | 1601 |
| 20 | | 954 | 53 | 1369 | 86 | 1638 |
| 21 | 11 | 1000 | 54 | 1409 | 87 | 1674 |
| 22 | | 1045 | 55 | 1449 | 88 | 1711 |
| 23 | | 1090 | 56 | 1489 | 89 | 1747 |
| 24 | | 1135 | 57 | 1529 | 90 | 1784 |
| 25 | | 1180 | 58 | 1569 | 91 | 1820 |
| 26 | | 1224 | 59 | 1609 | 92 | 1856 |
| 27 | | 1269 | 60 | 1649 | 93 | 1892 |
| 28 | | 1313 | 61 | 1688 | 94 | 1928 |
| 29 | | 1357 | 62 | 1727 | 95 | 1964 |
| 30 | | 1401 | 63 | 1767 | 96 | 2000 |
| 31 | | 1445 | 64 | 1799 | 97 | 2035 |
| 32 | | 1489 | 65 | 1845 | 98 | 2071 |
| 33 | | 1532 | 66 | 1885 | 99 | 2106 |

CIRCINI PROPORCIONIS. 9

Delineaturus itaq; lineam C. dictam superficialium, quod enim de vno circini crure dicam, de altero etiam intelligendum suppono, quæ contineat E. g. 100. partes, necessum prius erit duas lamellas ex aurichalco parare, & illas clauo mobili ex vna parte ita connectere, ac si circinum construere velles, vbi facto centro per lamellarum longitudinem duces duas lineas rectas in fine æquidistantes, & illas in 100. æquas partes (quod nihil aliud est quam peculiarem lineam linearum construere) diuides, hoc autem maxima cum diligentia, nam indè ferè tota instrumenti fabrica pendet, hoc facto lamellas in loco plano disponas, ita vt quando libuerit possis illas rectè firmare: tunc diuides tui instrumenti lineam in decem æquas partes, vt factum vides de linea C. notata, post quam 100. partes continere debet, & tabula vsq; ad 100. habet 10. diametros; secundum vnã illarum partium aperies lamellas in 100. accipies enim vulgari aliquo circino decimam propositæ lineæ partem, & illam punctis lamellarum 100. 100. notatis per transuersum applicabis, clauiculisq; lamellas ita firmabis, vt vllò modo moueri possint, quò facto videbis tabulam radicum quadratarum iuxta 2. habere 414. idè vulgari circino ex linea linearum iam iam clauiculis firmata per transuersum accipies distantiam inter puncta 45. & 4. decimas, hancq; in lineam superficialium describendam signabis, firmato enim vno circini pede in primo puncto post instrumenti centrum, & in exemplo signatur littera F., alio pede notabis distantiam, quæ in exemplo sit G., mox accipies distantiam inter puncta 73. & duas decimas, & illam in tuam lineam superficialium trãferes, vt iam dictum fuit, & ita vnã partem huius lineæ diuisisti, iterum relinquendo secundam diametrum tabulæ accipies distantiam inter puncta 23. & 6. decimas, & illã trãferes in tuam lineam, incipiendo à secundo puncto post centrum, quod est initium tertiæ partis lineæ, sicq; successiue facies de parte in partem vsq; ad decimam partem, & videbis lineam superficialium exactissime in 100. partes diuisam, modo non oscitanter partes & decimas partium ex linea linearum dicta acceperis. Notatis itaq; omnibus diuisionibus,

F A B R I C A

bus, appositisq; proprijs numeris, properabis ad descriptionem aliarum linearum.

Lineas solidorum in instrumento conficere.

C A P V T I I I.

HAEC linea, quia immediatè lineam superficialium sequitur, & litera D. notatur, ab aliquibus linea stereometrica appellatur, eo quia cum stereometria sit illa, quæ solidorū cognitionem tradit, hæc autem linea circa solida corpora versetur, non immeritò lineam stereometricam dicendam crediderunt, hanc tamen ego ab eius usu vulgari vocabulo lineam solidorū semper vocabo. Rectè itaq; intellecta priori descriptione, hæc potest non nisi manifesta esse, si tamen prius sequens hæc tabula radicum cubicarum præmittatur.

Tabula radicum cubicarum pro linea solidorum.

| | | | | | | |
|----|---|-----|----|-------|----|-----|
| 1 | I | 000 | 18 | 620 | 35 | 271 |
| 2 | | 259 | 19 | 668 | 36 | 302 |
| 3 | | 442 | 20 | 714 | 37 | 332 |
| 4 | | 587 | 21 | 758 | 38 | 361 |
| 5 | | 709 | 22 | 802 | 39 | 391 |
| 6 | | 817 | 23 | 843 | 40 | 419 |
| 7 | | 912 | 24 | 884 | 41 | 448 |
| 8 | 2 | 000 | 25 | 924 | 42 | 476 |
| 9 | | 80 | 26 | 962 | 43 | 503 |
| 10 | | 154 | 27 | 3 000 | 44 | 530 |
| 11 | | 223 | 28 | 36 | 45 | 556 |
| 12 | | 289 | 29 | 72 | 46 | 583 |
| 13 | | 351 | 30 | 107 | 47 | 608 |
| 14 | | 410 | 31 | 144 | 48 | 634 |
| 15 | | 466 | 32 | 174 | 49 | 659 |
| 16 | | 519 | 33 | 207 | 50 | 683 |
| 17 | | 571 | 34 | 239 | 51 | 708 |

CIRCINI PROPORTIONIS. 10

Residuum Tabulæ radicū cubicarum.

| | | | | | |
|----|------|-----|-----|----|------|
| 52 | 732 | 85 | 390 | 18 | 904 |
| 53 | 756 | 86 | 413 | 19 | 918 |
| 54 | 779 | 87 | 430 | 20 | 931 |
| 55 | 802 | 88 | 447 | 21 | 946 |
| 56 | 825 | 89 | 464 | 22 | 959 |
| 57 | 848 | 90 | 481 | 23 | 973 |
| 58 | 870 | 91 | 497 | 24 | 986 |
| 59 | 892 | 92 | 514 | 25 | 1000 |
| 60 | 914 | 93 | 530 | 26 | 1013 |
| 61 | 936 | 94 | 546 | 27 | 1026 |
| 62 | 957 | 95 | 562 | 28 | 1039 |
| 63 | 979 | 96 | 578 | 29 | 1052 |
| 64 | 1000 | 97 | 594 | 30 | 1065 |
| 65 | 20 | 98 | 610 | 31 | 1078 |
| 66 | 41 | 99 | 626 | 32 | 1092 |
| 67 | 61 | 100 | 642 | 33 | 1104 |
| 68 | 81 | 101 | 657 | 34 | 1117 |
| 69 | 101 | 102 | 672 | 35 | 1129 |
| 70 | 121 | 103 | 687 | 36 | 1142 |
| 71 | 140 | 104 | 702 | 37 | 1155 |
| 72 | 160 | 105 | 717 | 38 | 1167 |
| 73 | 179 | 106 | 732 | 39 | 1179 |
| 74 | 198 | 107 | 747 | 40 | 1192 |
| 75 | 217 | 108 | 762 | 41 | 1204 |
| 76 | 235 | 109 | 776 | 42 | 1216 |
| 77 | 254 | 110 | 791 | 43 | 1229 |
| 78 | 272 | 111 | 805 | 44 | 1243 |
| 79 | 290 | 112 | 820 | 45 | 1253 |
| 80 | 308 | 113 | 834 | 46 | 1265 |
| 81 | 326 | 114 | 847 | 47 | 1278 |
| 82 | 344 | 115 | 862 | 48 | 1289 |
| 83 | 362 | 116 | 877 | 49 | 1301 |
| 84 | 380 | 117 | 890 | 50 | 1312 |

Residuum tabulæ radicum cubicarum .

| | | | | | |
|----|-----|----|-----|----|-----|
| 51 | 325 | 58 | 406 | 65 | 484 |
| 52 | 336 | 59 | 417 | 66 | 490 |
| 53 | 348 | 60 | 428 | 67 | 510 |
| 54 | 360 | 61 | 440 | 68 | 524 |
| 55 | 371 | 62 | 451 | 69 | 541 |
| 56 | 382 | 63 | 462 | 70 | 555 |
| 57 | 394 | 64 | 473 | 71 | 573 |

Pateat ergo quot partes ista linea D. notata continere debeat, vt E. g. 125, video tabulam radicum cubicarum vsq; ad 125. continere quinq; diametros, ideò hanc lineam in quinq; æquas partes diuidendam dico, prout in exemplo facillimè videri potest, secundum vnam istarum aperiolamellas iam dictas vt superius factum fuit in 100. illisq; rectè firmatis accipio distantiam inter puncta 25. & 9. decimas, & illam in lineam solidorum futuri instrumenti transfero, firmato vno pede circini in primo puncto post centrum instrumenti H. notato, quod est initium secundæ partis lineæ, & alio circini pede notatâ distantia per punctum .I., mox accipio distantiam inter puncta 44. & 2. decimas, & illam vicissim transfero in lineam dictam, hocq; successiuè donec petitas partes habeam. illud solum animaduertendum, vt quando ad secundam diametrum ventum est, incipiamus distantias notare à secundo puncto, quando ad tertiam à tertio, & sic de reliquis. Notatis itaq; diuisionibus apponantur numeri, & linea solidorum erit perfecta.

Lineas metallicas construere.

C A P V T. I V.

HÆC linea litteris E. E. notata, vt de altero tantum crure loquar, eo quia proportiones metallorum continet, & circa corpora metallica versatur linea metallorum nuncupatur. Vt ea exactè describi possit diuiditur in octo partes

CIRCINI PROPORTIONIS. II

partes æquales, vt in exemplo videre est, quandoquidem metalla plus faciunt quam septem diametros. Secundum vnã dictarum partium aperies supra dictas lamellas in 100., & illas rectè firmabis, postea accipies distantias inter puncta fractionis cuiuscunq; metalli, quas proprio diametro applicabis, vt E. g. pro auro accipies distantiam inter puncta 17. 17; & illam applicabis quinto diametro, ibiq; facto puncto auri characterem describes Pro argento accipies distantiam inter puncta 29. 29. & illam applicabis sexto diametro, ibiq; facta nota eius characterem calabis, vt manifestissimè in dato exemplo videri potest, & sic de reliquis, prout subiectæ proportionēs metallorum demonstrant. Hac itaq; linea constructa, iam prima instrumenti facies, quam anteriorem nominauimus, erit absoluta, ideo ad posticam properandum erit.

| | | |
|-----------------------|---|------------------|
| <i>Aurum</i> | 5 | $\frac{17}{100}$ |
| <i>Argentum viuum</i> | 5 | $\frac{57}{100}$ |
| <i>Plumbum</i> | 6 | $\frac{6}{100}$ |
| <i>Argentum</i> | 6 | $\frac{29}{100}$ |
| <i>Cuprum</i> | 6 | $\frac{58}{100}$ |
| <i>Ferrum</i> | 6 | $\frac{84}{100}$ |
| <i>Stannum</i> | 7 | $\frac{10}{100}$ |

Vide the
natural


Lineam

Lineam quadrantis geometricè diuidere.

CAPVT V.

HAnc posticam instrumenti partem K notatam, octo alias lineas, hoc est quatuor in vnoquoq; crure, continere dixi, harum interiores litteris l.l. notatæ lineæ quadrantis dicuntur, quia scilicet ad quadrantis diuisionem diuiduntur. Quod verò spectat ad earum constructionem, describes in loco æquali totam lineæ instrumenti tui quantitatem, hanc in duas æquas partes diuides, vt in subiecto schemate A, ex hoc puncto A. describatur semicirculus B. C. D. puncto A. inquiratur perpendicularis, quæ sit C. A., quare punctum. C. erit centrum, ex quo describatur quadrans B. E. D., vt mos est quadrans in 90 partes diligentissime diuidatur. His peractis statuimus vnum alicuius circini pedem ad vnam partem vbi subtensa B. D. tangit lineam quadrantis, & alium pedem extendemus ad 89 gradum, quam distantiam transferemus in lineam instrumenti diuidendam, mox parum contracto circini pede accipiemus 88. gradum, & sic de reliquis. Notandum tamen quod vbi semel primum pedem circini firmauimus, ibi semper centrum erit, vt in exemplo quoniam prima vice circini pedem in .B. firmauimus, idèd punctum .B. semper loco centri accipiemus, donec tota linea iuxta diuisionem istius quadrantis sit diuisa in 90. partes, quibus diuisionibus ascribantur proprii numeri, vel de 5. in 5., vel de 10. in 10. ascendentes.

Lineam



Lineam circulatorum in instrumento inscribere.

CAPVT VI.

Succedunt duæ alia lineæ M.M. notatæ, quæ tum ab vsu, tum etiam à constructione lineæ circulatorum vocantur, diuiduntur enim ad circuli diuisionem, nec non etiam earum beneficio circulos in partes petitas secare possumus. Si hanc itaq; in hoc instrumento describere cogitas, accipias integram instrumenti tui delineandæ lineæ magnitudinem, eaq; in rem planam transferas, statimq; dimidiam partem accipies, & habebis centrum, quod notabis in instrumento, firmato enim vno circini pede in centro instrumenti, alio dictam lineam secabis, sectionemq; notabis per 6., nam non solum ostendit dimidium diametri, sed etiam latus hexagoni, mox ex illo centro describes circulum, quem primum diuides in tres partes, tertiamq; hanc partem notabis in instrumento non solum per 3., sed etiam per 7., nam non significat solum tertiam circuli partem, sed etiam latus hexædri, semper scilicet firmato primo pede circini in centro instrumenti, deinde illum diuides in quatuor, quartamq; partem transferes in tuam lineam circulatorum, quod successiue
 facies

facies de quibuslibet alijs partibus . Vel & fortassè melius totum circulum diuides in 360. partes, & tunc circino vulgari accipies tertiã, quartam, quintã partẽ & sic de reliquis, per quas lineam iam dictã satis præcisè diuidere poteris.

Lineam quadratiuam construere. CAP. VII.

Tertia linea literis N. N. notata quadratiua ab eius vsu non immerito appellatur, postquam per hanc commodè circulum quadrare possumus . Descripturus itaq; hanc lineam portionem istius assumens, vt pote K. Q. hanc dimidiabis in R., & habebis diametrum in Q. & semidiametrum in R., quos pro libitu lineola aliqua notabis . Secundum totam itaq; diametrum aperies lamellas iam multoties nominatas in 100. & vulgari circino pro quadrato accipies distantiam per transuersum inter puncta 88. & 4. decimas, hancq; firmato vno pede circini in centro instrumenti transferes in lineam quadratiuam, vbi facta nota describes pro signo figuram quadratam, deinde pro quarta circumferentia accipies distantiam inter puncta 78. & 5. decimas, & vicissim firmato pede circini vt iam dixi in centro instrumenti transferatur in lineam iam describendam, hæc q; distantia notetur ad libitum, pro pentagono accipiatur distantia inter puncta 67. & 5. decimas, & hæc in linea instrumenti sic notetur 5., pro hexagono accipiatur distantia inter puncta 54. & 9. decimas, & hæc in linea instrumenti notetur per 6., pro heptagono accipiatur distantia inter puncta 46. & 5. decimas, & hæc in instrumento notetur per 7. Tandem pro octogono accipiatur distantia inter puncta 40. & 3. decimas, hæc autem in instrumento notetur per 8. & sic habebis lineam quadratiuam exactissimè diuisam.


*Postremam & vltimam lineam quinq; solidorum di-
ctam describere. CAP. VIII.*

Totius istius lineæ fabrica pendet ex prob. 6. prop. 18. 13. liber Euclidis, quo docet latera quinq; figura-

gurarum exponere & inter se comparare. Hanc autē vt rectē
 in tuo instrumento describere possis accipies integram lineā
 longitudinem, hanc in loco plano signabis, quā diuides pri-
 mū in duas partes equales & habebis centrum in C. ex quo
 describes semicirculum A. F. G. H. B., iterum secetur in D.,
 ita vt D. B. sit pars tertia, postremo secetur in E., sic vt
 E. B. sit pars quinta, postmodum ipsi A. B. ad circumfe-
 rentiam semicirculi ducantur perpendiculares C. F., D. G.,
 E. H., connectantur rectæ A. F., B. F., A. G., B. G.,
 A. H., B. H. Post hæc ex H. A. abscindatur H. I. aequalis
 lateri decagoni in eo circulo descripti, cuius semidiameter,
 seu latus hexagoni est. B. H. hoc est aperias circinum pro
 magnitudine B. H. firmatoq; vno circini pede alio duces
 circulum cuius inuenies decagonum, quod facillimum es-
 set si haberes iam instrumentum factum per ea quæ dicen-
 tur Cap: 34. Accepta itaq; decagoni quantitate, & firmato
 vno circini pede in puncto. H. alio secabis lineam H. A. in
 I. ducesq; rectam B. I. Tandem lineam B. G. secetur extre-
 ma ac media ratione, vel per tradita ab Euclide Prob. 10.
 prop. 30. VI. lib., vel per illa, quæ à nobis explicabuntur
 dum de vsu lineæ linearum verba faciemus Cap: scilicet. x.
 Postremo puncto. A. inueniatur perpendicularis, vt in exē-
 plo vides, posito enim vno circini pede in medio semicircu-
 li vt puta in l. alio extenso vsq; ad A. lineam A. B. secamus
 in M., & insuper extra semicirculum arcum. N. describi-
 mus, applicata regula ad punctum M. intersectionis lineæ,
 & ad centrum l. in medio semicirculi factum notabimus in-
 terfectionem arcus. N., vt inde habeamus punctum corre-
 latiuum, ex quo describenda est perpendicularis, hanc seca-
 bimus pro longitudine totius lineæ in O. applicata regula
 ad punctum. C. & O. signabimus intersectionem semicir-
 culi in P., ex quo puncto duces rectam ad A., omniaq;
 erunt disposita ad futuram lineam describendam. Circino
 itaq; aliquo accipias quantitatē lineæ. B. K., quæ nobis
 significat latus dodecaedri, firmato vno pede circini in cen-
 tro instrumenti alio secabis tuam lineam, vbi facta nota il-
 lam signabis per 12, deinde accipies quantitatē lineæ B. I.
 quæ

CIRCINI PROPORTIONIS. 14


quæ ostendit latus Icosaedri, firmato vno circini pede in centro instrumenti vbi alius ceciderit ibi facto puncto inscribes 5. Tertio accipies quantitatem lineæ A. P., quæ ostendit latus hexaedri, hunc transferes in tuam lineam & illum signabis per 20. Quarto accipies quantitatem B. G., quæ latus cubi præbet, & per hanc secabis lineam instrumenti, & vbi nota erit signabis 2. Quinto accipies quantitatem lineæ F. A. pro latere octoedri, vbi ceciderit alter pes circini ibi inscribes 8. Sexto & vltimo accipies quantitatem G. A., quæ tetraedri seu pyramidis latus exhibet, secundum quam à cetro instrumenti secabis lineam quinq; solidorum, & in interseccionem inscribes 4.



D 2 Hæc q;

FABRICA

Hæcquæ est linearum omnium suscepti instrumenti fabrica, quæ licet instrumentum satis perfectum nobis exhibeat, tamen non inutiliter quadrantem etiam illi apponere possumus. Ex aurichalco itaque, vel alio quovis metallo paretur quarta circuli pars, ut pro libitu assumpto semidiametro



K. S. in postica instrumenti parte, describatur quadrans T. quod connectendum erit brachijs instrumenti per foramina V. V.

V. V. immixtis choeleis ad hoc peculiariter confectis, tunc ex centro K. circini beneficio in hac quarta circuli parte describantur quinque arcus, ita ut sex circumferentias contineat, prima in parte exteriori continebit quadratum geometricum, tertia quadrantem astronomicum, quinta scalam libroriorum, reliquæ autem omnes continebunt vniuscuiusque diuisionis proprios numeros. Ut autem quadratus geometrici descriptionem in hoc instrumentum transferre valeamus, nec enim circa quadrantem astronomicum, nec circa scalam dictam immorandum credo, postquam hæc in 12. æquas partes, ille in 90. vulgariter ab omnibus diuidi solet, necessum prius erit quadratum geometricum exactissime diuisum habere, hoc autem non multum excedere debet quantitatem quartæ portionis circuli T. Centrum itaque quadrantis supponatur centro instrumenti, lateraque subijciantur arcui T. accepto, prout ex K., quod quidem centrum instrumenti significat V. X. Y. cernitur, sicque firmatis omnibus applicataque regula centro K. & singulis quadratus diuisionibus exteriorem periferiam arcus T. diligentissime diuidemus, prout vnicuique exemplo demonstrare possumus, applicata namque regula ad punctum K. & ad primam diuisionem lateris V. X. secabimus exteriorem periferiam arcus T. in puncto Z. sicque successiue donec in 200. æquas partes illa fuerit diuisa. Hæcque est tota instrumenti fabrica, quæ modo sedulum artificem inueniat omnino facilis offendetur, si enim aliqua, quod non credo, minus clara prima fronte videbuntur manibus ad opus ad motis, sine dubio omnis difficultas remouebitur. His frueri candide lector, dum ad usum in cuius gratiam hæc omnia compilata sunt properamus. In cuius explicatione omnia longa verborum serie breuitatem & pro viribus dilucidam perspicuitatem complexus sum; interim tamen ut sedulus lector maiorem utilitatem caperet, quando oportunitate mihi visum fuit Euclidis problemata in medium adduxi, tum ut instrumenti utilitas, tum ut diffusus istius usus ab omnibus conspici posset: si enim quis à nobis hæc tradita exempla poterit ex templo resolvere, omnia tum Euclidis, tum aliorum ferè omnium problemata nullo negotio etiam conficiet. Sed de his hæcenus iam ad usum veniendum.

V[us]



Vsus instrumenti proportionis iam explicati, & primum vsus lineæ linearum.

Qua ratione beneficio istius lineæ possimus lineam aliquam partem & partium fractiones continentem construere. CAPVT I.



EXPLICATA instrumenti fabrica iam venimus ad vsum, & primo demonstrabimus qua ratione facillimè construenda sit linea, quæ contineat partes & partium fractiones, quod tamen alias non nisi summa difficultate fieri posset. Proponatur itaq; construenda linea aliqua, quæ contineat 4. perticas 7. pedes & $\frac{6}{7}$ pedis, sit data perticæ magnitudo vt puta A. B., pro cuius longitudine sit construenda petita mensura, ducatur linea occulta ad libitum C. D., circino vulgari in ista accipiantur 4. perticæ, quod est facillimum, aperies enim circinum secundum magnitudinem A. B., & hanc quater mensurabis supra lineam C. D., vsq; ad E, mox multiplicabis 7. in 12, & hoc quia pertica continet 12 pedes, productum erit 84, iterum accipies quæritatem lineæ A. B., & hanc per transuersum applicabis punctis 84. 84. sicq; relicto instrumento immoto multiplicabis 7. per 7. producto addes 6. habebis 55, vulgari itaq; circino accipies distantiam inter puncta 55. 55., quæ additur constructæ lineæ, vt in exemplo E, F. sit enim hæc vniuersalis regula, quod numerus pedum vnius perticæ debet multiplicari per denominatorem fracturæ pedum vltra integram perticam. Et sic habemus lineam C. F. quæ continet 4 perticas 7. pedes & $\frac{6}{7}$ pedis quod fuit propositum.



Lubet autem ulteriori exemplo rem hanc melius exponere. Sit itaq; construenda linea secundum datam A. B. quinquè perticarum 11. pedum, & $\frac{1}{4}$ pedis, sit autem pertica 16. pedum. Multiplicetur 4. in 16. productum erit. 64. magnitudo lineæ A. B. quinquies mesuretur supra dictam lineam C. D. vsq; in G. tum hæc eadem perticæ quantitas applicetur punctis 64. 64., relicto immoto instrumento multiplicetur fractio 55. $\frac{1}{4}$ in se productum erit 45., accipiatur distantia inter puncta 45. 45. quæ addatur lineæ C. G. & erit G. H., sicq; erit constructa linea C. H. continensquinq; perticas. 11. pedes, & $\frac{1}{4}$ pedis, quod faciendum propositum fuit.


Alicuius datæ lineæ omnes petitas partes inuenire.

C A P V T I I.

HÆC operatio est solutio probl: 1. prop. 9. vi. lib. Euclidis, cuius facilitatem mirabitur quicumq; absq; hoc instrumento aliquando tentauit hoc problema resolvere, difficillimum enim esset, ne dicam omnino impossibile huiusmodi diuisiones inuenire, quas tamen statim nobis exhibet instrumentum hoc nostrum. Si enim propositæ alicuius lineæ requirerentur $\frac{10}{13}$ $\frac{27}{59}$ $\frac{87}{100}$ semper aliquo circino accepta magni.

V s v s

magnitudine lineæ illa applicetur punctis denominatoris, & immoto instrumento excipiat interuallum numeratoris videlicet 10.27. vel 87. , vt in exemplo cernitur linea A.B. est $\frac{87}{100}$ ipsius A.C.




Insuper si esset data linea 100. partium , & peterentur $\frac{3}{100}$ vel 4. , vel 5. , quæ propè centrum instrumenti accipi non possunt, illa accipiantur ex altera parte instrumenti videlicet propè 100 ascendendo , hæc autem distantia firmata vno pede circini in puncto C. , & alio extenso vsq; ad punctum D. nobis abscondet D.A. $\frac{5}{100}$ videlicet ipsius lineæ.

Lineam propositam in aliquot petitas partes secare.

CAPVT III.

NVLLI dubium est quod laboriosissimum sit dum aliquam lineam diuidimus toties circinum constringere & dilatare donec voti compotes facti sumus, itaq; nõ abreerit faciliorem viam per hoc instrumentum demonstrare . Si lineæ ergo magnitudo non excedit instrumenti aperturam hanc facillimè sic diuidemus, inueniemus numeros vicissim multiplices pro lineæ diuidendæ partium numero, vt si linea A.B. E.g. diuidenda esset in quinq; æquas partes, quoniam 20. quinquies in 100. continetur, ideo circino aliquo accipimus integram lineæ quantitatem, hanc punctis 100. 100. notatis accommodamus immotoq; instrumento accipimus distantiam inter puncta 20.20. , quæ erit quinta dictæ lineæ portio A.C.


Sed si data esset minima aliqua linea diuidenda in 16. partes,



partes, vt puta D.E. Du
 catur occulta linea pro li
 bitu D.F., in qua ad pla
 citum aliquoties menfu
 retur ipsa D. E., vt exē
 pli grātia quater, ita vt
 tota linea D. F. fit di
 uisa in quinq; æquas par
 tes, multiplicetur nūme
 rus partium lineæ diui
 dendæ D. E. per nūme
 rum partium lineæ diui
 sæ D.F. productum erit
 80., ideo accipiatur tota
 lineæ D.F. longitudo il
 la applicetur punctis 80.
 80., & immoto instru
 mento accipiatur distan
 tia inter puncta 79. 79.,
 quæ transferatur in li
 neam D.F., firmato e
 nim vno pede circini in
 puncto F. alio secetur li
 nea D.E. in puncto G.,
 mox accipiatur distan
 tia inter puncta 78.
 78. & illa in hanc lineā
 transferatur, quod to
 ties repetendum erit do
 nec linea D.E. in 16. æ
 quas partes diuisa sit.
 Si autem aliqua li
 nea data esset longior,
 ita vt secundum ipsam
 in dato numero aperiri
 non posset. Vt si E.
 g. esset data linea H.K.
 E di-

diuidenda in 7. æquales partes, supponamus autem secundum istam lineam instrumentum aperiri non posse, ideò aperiatur circinus aliquis vt cunq; , & eius apertura sumatur septies in data linea H. K. per occultas notas, vt postea notæ illæ deleri possint, relinquatur autem portio I. K. Vulgari circino accipiatur magnitudo lineæ dictæ I.K. hæc applicetur punctis 70. 70., vel aliquo alio numero multiplici, & immoto instrumento accipiatur vna septima illius I.K., quæ addatur singulis partibus prius acceptis in Linea H.K., & sic erit exactissimè diuisa in 7. æquales partes, prout propositum fuit faciendum. Sitq; in exemplo portio inuenta. L.I.

Non absimili etiam ratione ab hac linea pendet solutio probl. 3. prop. 3. primi libri Eucl: quo docetur duabus datis rectis lineis inæqualibus de maiore æqualem minori rectam lineam detrahere. Sint enim duæ rectæ. A. & B., propositumq; sit detrahere minorem lineam A. à maiori B. Accipias totam lineam B. quantitatem, secundum hanc aperias prohibitu, vt puta in 40. 40., mox accipias quantitatem lineæ. A. & videbis quibus punctis possit accomodari, vt in hoc exemplo punctis 22. 22., ex immoto instrumento excipies distantiam inter puncta differentię horum numerorum, hoc est inter puncta 18. 18., per quam secabis lineam. B. in puncto C. linea enim C. B. erit æqualis ipsi A. quæ quidem operatio licet exigui momenti uideatur, tamen exactè instrumentum constructum demonstrabit. Hincq; etiam sedulus operator facili admodum negotio poterit 1. probl. prop. 3., & probl. 2. prop. 4. lib. x. Euclidis resolvere.




Secundum

CIRCINI PROPORTIONIS. 18

Secundum datam lineam diuisam secare aliam non diuisam, indeq; patet solutio probl. 2. prop. x. lib. 6. Eucl.

C A P V T I V.

SIT A. B. linea diuisa in partes A. C. D. B., & sit altera linea non diuisa E. F.. sed diuidenda secundum proportionem lineæ iam diuisæ, nulli dubium quod pportiones istas inuenire non tam facile esset, quas tamen harum linearum beneficio quilibet statim indagare poterit. Aperiatur enim in hac linea linearum secundum A. B., hoc est circino aliquo accipiatur quantitas lineæ A. B., hæc accommodetur pro libitu aliquibus punctis, vt firmato vno circini pede in 100. tantum aperiatur instrumentum donec alius circini pes in alium 100. cadat, tunc accepta E. F. quantitas videatur in quem numerum incidat, quod nihil aliud erit quam inuenire proportiouem quam habent inter se duæ lineæ A. B. & E. F.; cadat itaq; dicta E. F. in 90. 90. Tunc accipias quantitatem lineæ A. C. hanc mutato instrumento accommodabis punctis 100. 100., immotoq; instrumento statim excipies interuallum inter puncta 90. 90., quem transferes in lineam E. F. firmato enim vno pede circini in puncto E. alio secabis lineam E. F. in G., deinde iterum accipias quantitatem C. D. hanc accommodabis punctis 100. 100. & excipies distantiam inter puncta 90. 90. per quam firmato vno, pede circini in puncto G. alio secabis lineam G. F. in H., sicq; successiue faceres si proposita linea esset diuidenda in plures partes.



E 2 Quo

Qua ratione harum linearum beneficio plures arithmeticas regulas solvere valeamus.

CAPVT V.

POterit harum linearum auxilio quilibet licet numerare, vix sciat, vt hoc impossibile videri possit, plures arithmeticas regulas resoluere. Verum vt melius explicare possimus, quæ ad hanc operationem pertinent, prius notandum erit quod quotiescunq; à centro instrumenti secundum eius longitudinem necessum erit aliquas istius lineæ partes assumere, vt in exemplo si posito vno pede circini in centro A. figuræ cap. 1. necessum esset alium extendere ad punctum P., semper in hoc casu hanc lineam scalam immobilem vocabimus. Harum itaq; vt diximus linearum auxilio facilimum est omnes quæstiones arithmeticas, quæ per regulam proportionum solvuntur determinare, & primum auream regulam vulgariter de tre dictam facili negotio absoluemus, si firmato vno pede vulgaris circini in centro instrumenti extenso alio pede per longitudinem scalæ immobilis, vsq; ad notam secundi numeri in proportione positi accipiemus distantiam, quam per transversum applicabimus punctis primi numeri, & immoto instrumento accipiemus distantiam inter puncta tertij numeri, quam mensurabimus supra scalam immobilem à centro instrumenti, & videbimus quem numerum abscindat. Vt si E. g. sit quæstio 100. dant 60. quot dabunt 80. hi numeri positi in regula proportionum sic se habent 100, 60. 80. Vulgari itaq; circino accipiemus distantiam ex scala immobili 60. partium hanc per transversum accommodabimus punctis 100. 100. notatis, & immoto instrumento accipiemus distantiam inter puncta 80. 80. quam iterum mensurabimus supra dictam scalam, & videbimus abscindere 48. punctum, quare dicendum 48. esse quartum numerum quæsitum.

Secundo si quæstio esset 10. exhibent 30. quot dabunt 80., nec secundus, nec tertius numerus ex scala immobili acceptus potest primo per transversum accommodari, idem necessum.

necessum erit secundum, vel tertium numerum ex scala immobili accipere, illamq; distantiam duplo vel triplo maiori numero per transuersum accommodare, immotoq; instrumento distantiam secundi vel tertij numeri accipere prout secundum vel tertium prima vice accepimus, quæ distantia supra scalam immobilem mensurata ostendit numerum, cuius duplum vel triplum, quartum numerum demonstrat; vt in dato exemplo ex scala immobili accipio quantitatem 30. partium, hanc per transuersum punctis 30. 30. notatis apto, & immoto instrumento accipio distantiam inter puncta 80. 80., hanc distantiam supra scalam immobilem mensuratam video abscindere 80. punctum, ideò dico 240. esse quartum numerum quæsitus, si enim meministi pro 10. accepi 30.

Tertio si primus numerus in regula proportionum positus excederet numerum partium ipsius lineæ, accipiemus quantitatem secundi numeri ex scala immobili, & hanc punctis dimidiæ partis primi numeri accommodabimus, & immoto instrumento accipiemus distantiam inter puncta dimidiæ partis tertij numeri, quæ supra scalam immobilem mensurata ostendet quartum numerum quæsitus, vel accipiemus distantiam inter puncta totius tertij numeri, quæ vt iam dictum fuit mensurata exhibet numerum cuius medietas quartum numerum indagatum demonstrat. Vt si quis diceret 150. dant 60. quot dabunt 90. accepta itaq; ex dicta scala quantitate 60. partium, hanc per transuersum accommodamus punctis 75. 75. hoc est dimidiæ partis primi numeri, immoto instrumento vel accipimus distantiam inter puncta 90. 90., quam mensuramus supra scalam immobilem, & offendimus abscindere 72. punctum, cuius medietas nempe 36. absq; omni dubio est quartus numerus inquisitus, vel tandem accipimus distantiam inter puncta 45. 45., hoc est inter puncta dimidij 90., & hæc mensurata præbet 36. pro quarto numero.

Quarto si tertius numerus in regula proportionum positus longè excederet numerum partium ipsius lineæ, tamen operatio perficietur, si accepta quantitate partium secundi numeri

numeri à centro instrumenti per longitudinem immobilis
 scalæ hanc accommodabimus punctis primi numeri & ex
 immoto instrumento aliquot partes resolutio tertio nu-
 mero toties accipiemus distantias donec voti compotes facti
 sumus. Vt si quis diceret 34. dant 20. quot dabunt 480. &
 accipiemus inquam à centro instrumenti per scalam immo-
 bilem quantitatem 20. partium, hanc per transversum pun-
 ctis 34. 34. disponemus, & immoto instrumento primum
 accipiemus distantiam inter puncta 100. 100., quæ mensu-
 rata supra scalam immobilem abscindit 59. partem, qui nu-
 merus per 4. ductus, 100. enim in dato numero quater ha-
 beri potest, dat 236., tum accipiemus distantiam inter pun-
 cta 80. 80., quæ iterum mensurata supra dictam scalam ab-
 scindet 46. punctum, & aliquid amplius, qui numerus prio-
 ri additus ostendit quartum proportionalem numerum
 $282. \frac{1}{3}$ ferè.

Quinto & ultimo si numeri in regula proportionum po-
 siti aded essent minimi, vt vilo modo instrumento accom-
 modari possent, tamen operatio perficeretur si loco vnitatis
 accipiantur decime. Vt si quis volens disponere 125. mili-
 tes, ita vt in vnoquoq; ordine quinq; ponantur, desideraret
 præscire numerum ordinum. In hac operatione sic esset
 procedendum, 5. milites faciunt vnum ordinem quot fa-
 cient 125., & secundum hætenus dicta ex scala immobili
 accipienda esset quantitas vnus partis, hæc punctis 5.5. ap-
 plicanda esset, verum isti numeri in instrumento haberi nõ
 possunt, ided sic numeros disponemus 50. 10. 1250. tum
 ex scala immobili accipiemus quantitatem 10. partium hæc
 per transversum punctis 50. 50. aptabimus, & immoto in-
 strumento accipiemus distantia primum inter puncta 250.
 250., hanc supra scalam immobilem mensurabimus, & vi-
 debimus illam abscindere punctum 50. qui numerus quin-
 quies acceptus producet summam 250. à quo numero abie-
 cta vltima nota residuatur 25. quartus numerus indagatus.
 Non hic iacet huius instrumenti vsus, verù ea facilitate arith-
 meticas illas quæstiones, quæ per reiteratas regulas aureas re-
 soluntur.

soluuntur, extricare docet, vt quilibet huius beneficio facile possit exactus supputator videri. Sint igitur E. g. tres homines, qui vna 250. libras lucrati sint, alter tamen per 20. dies, alter per 30. alter per 43. laborauerit, querant autē singuli debitā sibi nummorum partem, nulli dubiū quod in hoc casu sic esset procedendum: dies propositi inuicem sunt addendi quorum summa erit 93. , tum dicendum esset 93 dant 250. quot dabunt 20. , hæc q̄; esset prima operatio, tunc iterum 93. dant 250. quot dabunt 30. , tandem tertio esset dicendum 93. dant 250. quot dabunt 43. , hoc autem an sit laboriosum norunt in hac arte versati, ab hac tamen molestia huius instrumenti ope subleuamur, accipiemus enim ex scala immobili quantitatem 125. partium, hoc autem vt operatio melius perfici possit, non enim satis commodum esset quantitatem 250. partium punctis 93. 93. accommodare, excipiemus itaq; ex dicta scala quantitatem dimidij numeri tantum hanc applicabimus punctis 93. 93, nec amplius mutanda erit instrumenti apertura, sed primum accipienda distantia inter puncta 20. 20. hæc mensurata supra scalam immobilem abscindet 27. punctum non completum cuius duplum scilicet 54, ferè est portio competens illi, qui per 20. dies laborauit, secundo non mutata instrumenti dispositione accipiemus distantiam inter puncta 30. 30. , hæc mensurata supra scalam immobilem abscindet ferè $40\frac{1}{3}$ cuius duplum nempe $80\frac{2}{3}$ erit nummorum portio, quæ competit illi, qui per 30. dies suam operam locauit. Tertio & vltimo excipiemus distantiam inter puncta 43. 43. , quæ mensurata supra scalam immobilem abscindet fere 58 puncta cuius duplum 115. $\frac{2}{3}$ ferè est illud, quod debetur illi, qui per 43. dies laborauit.

Non minori facilitate resoluntur quæstiones illæ arithmeticæ, quæ regulam trium inuersa dictam desiderant, in quo casu supra scalam immobilem accipimus quantitatem primi numeri, hanc per transversum applicamus punctis te-

tij numeri, & accipimus distantiam inter puncta secundi numeri, quam mensuramus supra dictam scalam, & habemus optatum. Ut si quis diceret est triremis quæ habens 12. remos spatio 18. dierum potest suum iter perficere, quæritur si 20 remos habeat quot dierum spatio illud iter absoluet, numeri in regula positi sic se habent 12. 18. 20. Accipias itaq; supra scalam immobilem quantitatem 12. partium, hanc punctis 20. 20. per transuersum accommodabis, & immoto instrumento accipies distantiam inter puncta 18. 18., quæ mensurata supra scalam immobilem abscindet $\frac{4}{5}$ quod quærebatur.

Verum si quis quæreret 100. coronatos quot vngaricos faciant, illud præscire debet coronatum septem vngaricum decem libris æstimari, tum supra scalam immobilem accipiet quantitatem septem partium, post quam iste quærit pecuniam, quæ septem, quantum faciat de illa, quæ decem valet, hanc punctis 10. 10. accommodabit, & immoto instrumento accipiet distantiam inter puncta 100. 100. quam mensurabit supra scalam immobilem & offendet abscindere 70. punctum, quare inquiet 100 coronatas efficere 70. vngaricos. Quod si coronatum E.g. valeret 7. libras & 4. solidos tunc coronatum & vngaricum resolveret ad solida, & in reliquis operatio erit similis priori.

Non absimili negotio possumus mercatorum quæstiones illas resolvere, per quas quæritur spatio 4. annorum 120. coronates ad 6. pro 100. quotannis relicta vsura supra sortem, & etiam supra vsuram, quid sint lucraturi. Primum enim sic dispones numeros 100. dant 106. quod dabunt 120, ex scala immobili statim accipias distantiam à centro instrumenti ad punctum 120. hanc punctis 100. 100. per transuersum accommodabis, & immoto instrumento accipies distantiam inter puncta 106. 106. quam parum plus aperto instrumento iterum applicabis punctis 100. 100. & iterum immoto instrumento excipies distantiam inter puncta 106. 106. hoc autem quater repetes pro numero scilicet annorum, vltimo acceptam distantiam mensurabis supra scalam

Iam immobilem & inuenies abscindere 152. punctum ferè,
quare inquis 120. coronatas spatio 4. annorum euasisse
152.

Si verò libeat possumus etiam semel accommodato in-
strumento hanc quæstionem determinare, si accipiamus ex
scala immobili distantiam 106. puncti à centro instrumen-
ti, & hanc punctis 100. 100. per transfuersum accommoda-
bimus, ex immotoq; instrumento accipiemus distantiam in-
ter puncta 120. 120. si hanc enim supra scalam immobilem
mensurabimus habebimus vsuram & sortem vnius anni ne-
pe $127 \frac{1}{3}$ ferè, quod si secundo immoto instrumento distan-
tiam inter puncta $127 \frac{1}{3}$ accipiemus & hanc mensurabi-
mus supra scalam immobilem inueniemus 135. ferè pro
sorte & vsura secundi anni, sicq; successiuè per singulos an-
nos procedendum erit.

Insuper sit aliquis cui mercator spatio trium annorum
soluere debeat 240. coronatos hic in necessitate constitu-
tus, vt statim possit suam exigere pecuniam relinquit merca-
tori 10. pro 100. quæriturq; quantum illi Mercator s' uere
debeat. Hæc est conuersa operatio prioris, idè sic statues
numeros 110. remanent 100. quot remanebunt 240. Ac-
cipias quantitatem 100. partium ex scala immobili hanc
aptabis punctis 110. 100. & immoto instrumento excipies
distantiam inter puncta 240. 240., quæ mensurata supra
scalam immobilem abscindet $218 \frac{1}{5}$ & aliquid amplius, ite-
rum ex immoto instrumento excipias distantiam inter puncta
 $218 \frac{1}{5}$ hanc mensurabis supra scalam immobilem ab-
scindet $198 \frac{1}{2}$ ferè. Tertio & ultimo excipies distantiam
inter puncta $198 \frac{1}{2}$ & hanc mensurabis supra scalam im-
mobilem & abscindet 180 ferè, & hæc erit pecuniæ sum-
ma quam debet iste à mercatore recipere.

E conuerso etiam quandoq; hoc modo quæritur, est qui-

F dam


dam qui accepta certa pecunia quantitate à Mercatore ad
 5. pro 100. spatio duorum annorum illi reddidit 500. coro-
 natos, quæritur inquam quot coronatos prima vice accepe-
 rit. Sic disponantur numeri 110. erant 100., quot ergo
 erant 500., in reliquis eadem erit methodus iam superius
 expofita.

Sed vt melius istius instrumenti vsus pateat, lubet aliam
 methodum iam dictas operationes omnes perficendi aperi-
 re, quæ licet prima fronte magis laboriosa videri possit, ta-
 men exercitatis sine dubio iocundior erit. Propofita itaq;
 aliqua quæstione arithmetica per auream regulam resoluen-
 da aperiatur instrumentum pro libitu, & vulgari aliquo circi-
 cino excipiat distantia inter puncta secundi numeri, hæc
 constricto vel dilatato instrumento pro rei necessitate ac-
 commodetur punctis primi numeri, sicq; relinquatur in-
 strumentum, nec mutetur per vulgarem circinum accepta
 diuarcatio, sed alio aliquo excipiat distantia inter pun-
 cta tertij numeri, quæ feruetur, prioris circini diuarcatio
 aptetur iterum punctis secundi numeri, & videatur quo inci-
 dat distantia tertij numeri iam iam feruata, puncti enim illi
 quartum numerum inquisitum demonstrabunt. Vt si pro-
 poneretur quæstio 50. dant 60. quot dabunt 20. aperirem
 inquam instrumentum pro libitu & exciperem distantiam
 inter puncta 60. 60. hanc parum dilatato instrumento ac-
 commodarem punctis 50. 50. notatis, alioq; circino ex sic
 immoto instrumento exciperem distantiam inter puncta 20.
 20., mox priorem feruatam distantiam iterum aptarem pun-
 ctis 60. 60. postremamq; distantiam inter puncta 20. 20.
 sumptam viderem accommodari punctis 24. 24. præcisè,
 quare dicerem 24. esse quartum numerum indagatum. Ea-
 demq; ferè operatione resoluitur etiam regula trium con-
 uersa, si loco secundi numeri accipiamus primum, loco pri-
 mi tertium, & loco tertij secundum.

Figuram

Figuram aliquam superficialem adaugere vel diminuerē. CAPVT V I.

SIt triangulus A. B. C. secundum quem alius triangulus constitui debeat, qui sit ter maior. Vulgari circino accipias quantitatem alterius lateris, vtputa A. B., secundum istam magnitudinem aperies instrumentum in aliquo numero pro libitu, vt E. g. hæc circino assumpta quantitas accommodetur punctis 10. 10. & immoto instrumento accipiatur distantia inter puncta 30. 30., volumus enim triplum huius lateris secundumq; hanc distantiam describatur latus D. E. homologum A. B., tunc iterum accipies quantitatem B. C., quam punctis 10. 10. accommodabis, & immoto instrumento excipies distantiam inter puncta 30. 30. pro latere E. F., quod iterum facies pro latere C. A. Hincq; colligere licet instrumenti vtilitatem, cum tam facili negotio possimus probl. 6. prop. 18. lib. 6. Eucl. resoluerē, quod alias nisi summo labore confici potest.



Nulli itaq; dubium est quod hac ratione possumus Urbis seu castri veram delineationem, dispositionemq;, ac situm tum maiorem, tum minorem reddere, sed quia quando aliqua figura datur augenda, vel diminuenda non semper datur proportio secundum quam debet augeri vel diminui, quo in casu necessum est habere duas scalas exactissimè diuisas, quarum vna sit immobilis, altera autem mobilis, cum autem hæc scalæ ex instrumento hoc nostro exactissimè habeantur, idèd per aliud exemplum aliam operandi rationē

F 2 demon-

demonstrare oportunum erit. Detur itaq; Urbis vel Ca-
 stri talis delineatio A. B. C. D. E. F., insuper detur latus
 G. H. homologum C. B., per quod describenda sit alia






figura minor. Vulgari aliquo circino accipias lateris B. C.
 quantitatem hanc supra scalam immobilem iam multoties
 nomi-

nominatam mensurabis, & videbis abscindere punctū 20. ite-
 rum accipias quantitatem lateris G. H., quā aperto instrumē-
 to per transuersum punctis 20. 20. accommodabis, & hac erit
 scala mobilis, quæ instrumenti dispositio amplius mutanda
 non erit, quare accipies quantitatem lateris C. D. & hanc supra
 scalam immobilem mensurabis & inuenies abscindere 19.
 punctum, per transuersum vt iam dixi ex immoto instrumē-
 to accipies distantiam inter puncta 19. 19. pro latere G. I.
 sicq; omnia alia propositæ figuræ latera veniunt describēda,
 sed quia varia operandi ratio melius instrumenti vsū decla-
 rare potest, ideo lubet per prioris exempli methodum hoc
 quoq; problema absoluere. Inuenias itaq; proportionem
 C. B. ad G. H., & secundum hanc omnia latera propositæ
 figuræ describas. vt circino vulgari accipias quantitatem
 C. B., secundum quam pro libitu aperies instrumentum
 vt E.g. firmato vno pede circini in puncto 100. tantum a-
 peries instrumentum donec alius circini pes cadat in alium
 punctum 100, tunc accipies quantitatem G. H., & videbis,
 quibus punctis per transuersum possit accommodari vt in
 hoc exemplo punctis 44. 44., quare dices C. B. habere illā
 proportionem ad G. H., quam habet 100. ad 44. Aperias
 ergo secundum C. D. instrumentum in 100., & excipias di-
 stantiam inter puncta 44. 44. habebis enim quantitatem la-
 teris G. I., iterum aperias instrumentum in 100. pro quan-
 titate lateris D. E., & accipias distantiam inter puncta 44.
 44. vt habeas quantitatem lateris I. K. sicq; de omnibus a-
 lijs lateribus facies donec tota figura secundum datam pro-
 portionem sit descripta.

*Datis duabus lineis tertiam proportionalem ad iungere
 ex quo patet solutio probl. 3. prop. xi. lib. vi. Eucl.*

C A P V T V I I.

SInt duæ lineæ. A. & B. quibus inuenienda sit tertia propor-
 tionalis continua aperiatur instrumentum in quouis nu-
 mero




mero secundum quantitatem lineæ A., & videatur quo incidat B. deinde secundum quantitatem lineæ B. aperiatur in illo numero in quo fuit apertum secundum A., & excipiat distantia inter puncta illius numeri in quibus fuit apertum secundum B., & hæc ostendet lineæ tertiæ proportionalis quantitatem. Vt E. g. secundum quantitatem lineæ A. aperiatur instrumentum in punctis 60. 60. tunc videatur quo incidat quantitas lineæ B. vt hic in 71. 71. Aperias itaq; instrumentum donec quantitas lineæ B. accommodari possit punctis 60. 60. & immoto instrumento accipias distantiam inter puncta 75. 75. quæ lineæ C. quantitatem ostendet, quod quærebatur.

Datis duabus lineis tertiam, tertia quartam, quartæ quintam & c. continuas proportionales adinuenire. CAPVT VIII.

PER hanc operationem facillimum erit resolvere probl. 4. prop. 12. lib. vi. Eucl: si nanq; propositarum linearum nota sit proportio, vt iam supra docuimus Cap. v. inquiretur differentia inter dictas duas lineas, tunc aperto instrumento secundum quantitatem maioris lineæ excipiantur interualla differentiarum. Vt E. g. dentur lineæ. A. & B in proportione vt 21. ad 28. aperiatur secundum quantitatem lineæ

lineę B. in 21. immotoq; instrumento excipiatur distantia inter puncta 35.35. pro linea C. inter puncta 42.42. pro linea D., & sic de reliquis.



Datis tribus lineis quartam proportionalem inuestigare.

C A P V T I X.

Non differt hæc operatio a superiori, inquiratur enim proportio inter minorem lineam & mediam, & secundum quantitatem maioris lineæ aperiatur instrumentum in punctis numeri minoris lineę, & excipiatur distantia inter puncta numeri medię lineę, pro quantitate quartę proportionalis: Vt Exempli causa in proximo superiori exemplo dentur tres lineę A. B. C. inquiratur proportio lineę A. ad lineam B., vt aperiatur secundum quantitatem B. in 50. 50 A. cadet in $38\frac{1}{2}$ itaq; circino aliquo accipias quantitatem lineę C. hanc punctis $38\frac{1}{2}$ per transversum accommodabis, & immoto instrumento accipies distantiam inter puncta 50. 50., quæ exhibet lineam E, quartam proportionalem, quod nihil aliud erit quam resolvere problema illud Pappi, quo docet tribus datis rectis lineis quartam inuenire, quę sit ad tertiam, vt prima ad secundam.


*Secare datam rectam quamlibet secundum duo extrema
ac media ratione. CAPVT X.*

SIt in proximo supra citato exemplo data recta E. que sit secanda secundum duo extrema ac media ratione. Aperiatur pro longitudine eius semper in 100. 100., & immoto instrumento excipiat interuallum inter puncta 38. 38. quod transferatur in lineam datam, hocq; illud est quod docet Euclides probl. x. prop. 30. lib. vi.

*Vsus linea superficierum inter duas superficies
similes proportionem elicere.*

CAPVT XI.


Sint A. & B. duo latera homologa duarum superficierum similibus, aperiatur secundum quantitatem A. in aliquo numero vt puta in 60. 60., & videatur quo incidat B. vt in 25. 25., isti q; duo numeri indicant proportionem harum superficierum, prout superius dictum fuit in prima linea linearum. Si autem acceperis distantiam sic immoto instrumento inter puncta 85. 85. habebis alterum latus C. ex quo poteris construere figuram æqualem duabus datis. Tandem si accipies interuallum inter puncta 35. 35. habebis latus D. æquale differentia laterum A. B.



Datum

Datum triangulum diuidere lineis æquidistantibus in partes æquales. CAP. XII.

SIt triangulus A. B. C. diuidendus in quinque partes æquales, aperiatur secundum latus A. B. in 5. 5. & excipiantur numeri ab unitate usque ad quinque, & imprimantur puncta in linea A. B. Deinde iterum aperiatur in quinque, secundum A. C., & fiat ut iam factum fuit cum A. B., ducantur parallele ad cuncta opposita, & sic triangulus erit diuisus in quinque partes æquales. Accommodato enim, ut iam diximus, instrumento excipies distantiam inter puncta 1. 1., & firmato uno circini pede in puncto A. secabis A. B. in D., sicque successiue usque ad quinque.




Datam aliquam superficiem diuidere secundum datam proportionem. CAP. XIII.

SI nulla alia ratione saltem quidem propter hoc admirabilis est huius circini usus. Sint enim tres viri inter quos diuidendus sit campus A. B. C. D., quorum primus accipit tres perticas & 7. pedes, secundus accipit 5. perticas & 3. pedes, tertius tandem accipit 7. perticas & pedem unum, nulli dubium est quod difficillimum foret has fractiones reperire, quas tamen harum linearum beneficio per quam

minimo negotio possumus determinare. Constituantur enim secundum proportionem vnius cuiusq; tres lineæ in linea linearum, prout cap. 1. docuimus, quarum singula contineat singuli viri partes petitas. Vt in exemplo videre est lineam E., quæ continet tres perticas & septem pedes, lineam F., quæ continet 5. perticas & 3. pedes, & lineam G. quæ continet 7. perticas & pedem vnum, ex omnibus his fiat vna recta linea H., & apponantur singuli viri partes, vt patet per I. K. L. deinde aperiatur secundum quãtãtatem huius lineæ in 100., & videatur vbi A. B. alterum latus campi incidat, vt in hoc exemplo in 36. 36. deinde aperiatur secundum singulas partes istius lineæ in 100. Vt E. g. accipies partem lineæ H. I., quæ continet 7. perticas & pedem vnum, & secundum istam aperies instrumentum in 100. 100., quo immoto excipies distantiam inter puncta 36. 36. per quam firmato vno pede circini in puncto A. secabis latus campi A. B. in M., iterum accipies partem lineæ I. K., quæ continet quinque perticas & 3. pedes & secundum hanc aperies in 100. immoto instrumento excipies distantiam inter puncta 36. 36. firmatoq; vno pede circini in puncto M. alio secabis dictum latus A. B. in N., quod si tandem acceperis partem K. L., quæ continet 3. perticas & 7. pedes, & secundum hanc aperueris instrumentum in 100. 100., & illo immoto exceperis distantiam inter puncta 36. 36., firmato post modum vno circini pede in N., videbis alium circini pedem secare præcisè punctum B., si hoc idem facies cum latere C. D., totum campum secundum datam diuisionem distributum videbis. Notandum etiam quod si loco lateris A. B. & C. D. accipies A. C. & B. D. operatio & diuisio eadem erit.


Mediam



Mediam proportionalem inter datas duas lineas inuenire, & consequenter probl. 5. prop. 13. lib. 6. Eucl. resolvere. CAP. XIV.

Sint A. & C. datae duae lineae inter quas oportet inuenire mediam proportionalem, in linea linearum, vt superius dictum fuit, quaratur proportio inter lineam A. & lineam C., quae in hoc exemplo fit vt 66. ad 100. Accipias itaque aliquo circino totam lineam G. quantitatem, haec punctis 100. 100. lineae superficierum accommodetur, immo itaque; instrumeto excipiat distatia inter puncta 66. 66. eiusdem lineae, quae media proportionalem B. exhibet, quod fuerat propositum.

G 2 Hac





Hac methodo si inter integram basim & mediam perpendicularem alicuius trianguli quæremus mediam proportionalem habebimus latus quadrati trianguli. Ut detur triangulus A. C. B. cuius perpendicularis sit C. D., quæratu ratio inter totam basim A. B., & dimidiam perpendicularem C. E., quæ in hoc exemplo est vt 100. ad 11. Aperiatu itaq; in linea superficieum secundum quantitatem A. B. in 100. & excipiatu distantia inter puncta 11. 11., quæ latus F. quadrati trianguli demonstrabit.



Datis tribus superficiebus quartam proportionalem adiungere. CAPVT XV.

SINT duo circuli A. & B., & figura C. cui sit inuenienda quarta proportionalis qualem proportionem habet A ad B. ex linea superficieum quæratu proportio A. ad B. quæ

quæ hic est vt 100. ad 56. tunc aliquo circino accipias quantitatem alterius lateris figuræ C. & secundum illam aperias dictas lineas in 100. & immoto instrumento excipies distantiam inter puncta 56. 56. pro latere D. alterius figuræ describendæ; hocq; idē facies de omnibus alijs lateribus.



Non absimili ratione etiam si dentur duæ superficies possumus tertiam proportionalem inuenire. Vt in superiori exemplo dantur duo circuli A. & B. quorum proportio vt vidimus est vt 100. ad 56. , si minorem circulum desideramus aperiatur secundum diametrum vel semidiametrum circuli B. in 100. , & excipiat interuallum inter puncta 56. 56. pro minori circulo E. Quod si maiorem desiderares, necessum esset accommodare quantitatem diametri vel semidiametri A punctis 56. 56. & excipere interuallum inter puncta 100. 100. pro maiori circulo F. Eadem ferè prorsus operatione datis pluribus figuris possumus aliam illi æqualem

lem construere, vt si quærat^{ur} circulus æqualis tribus du-
 tis A. B. E, accipiat^{ur} quantitas semidiametri A, secundum
 quam aperiatur in hac linea pro libitu, vt puta in 20. 20, in
 moto instrumento accipimus quantitatem semidiametri. B.
 & videbimus quo incidat, vt in exemplo in 11. 11. additis
 11. & 20. faciunt. 31. tertio accipimus quantitatem semi-
 diametri. E., & videbimus quibus punctis possit accommo-
 dari, & sit punctis 6. 6. his additis prioribus faciunt 37.
 quare ex immoto instrumento accipiemus distantiam inter
 puncta 37. 37. pro semidiametro circuli. F. qui erit æqualis
 tribus datis A. B. E. Hincq; habetur solutio vi. probl. quod
 Doctissimus Clavius ex Pythagora excerptis, dum scilicet
 docet propositis quocunq; quadratis siue æqualibus, siue
 inæqualibus, inuenire quadratum omnibus illis æquale,
 quod cum ex iam dictis satis manifestum sit, hoc insuper
 declarare superfluum credo. Non abre tamen erit admo-
 nere dictam methodum facilem nobis resolutionem sequen-
 tis 7. probl. præstare, quo docetur propositis duobus qua-
 dratis quibuscunq; , alteri illorum adiungere figuram, quæ
 reliquo quadrato sit æqualis, ita vt tota figura composita
 sit etiam quadrata. Si enim datis duobus quadratis vni-
 cum illis æquale inuenies, vt iam dictum fuit, & hoc descri-
 pseris circa latera alterius quadrati habebis opatum. Hæc-
 quæ proportionum methodus adeò diffusa est, vt qui illam
 omnino explicare conaretur non satis commodè dicendi fi-
 nem inuenire posset, illud tamen silentio inuoluendum non
 credo, quod si proposita esset amphora continens mensu-
 ram, & quæreret aliquis aliam quæ duas, quæ tres, vel qua-
 tuor contineret, hoc dicto citius poterit absolui, acceptis .n.
 dimensionibus propositæ amphoræ, si illas pro libitu appli-
 querimus aliquibus punctis huius lineæ, tum ex immoto in-
 strumento exceperimus duplum, triplum, vel quadruplum
 habebimus dimensiones amphoræ petitæ. In super etiam
 si esset fons E. g. sex laterum, qui per canalem accepta, a-
 qua repleatur spatio duarum horarum, quæratq; aliquis a-
 lium construere vellens eiusdem omnino altitudinis, ac si-
 milis basis ac orificij, qui spatio vnus horæ aqua. per eun-
 dem


dem canalem accepta repleatur, cuius magnitudinis sit futurus. Accipiantur orificij propositi fontis dimensiones, qua pro libitu aptentur aliquibus punctis dictæ lineæ, & ex immoto instrumento excipiatur dimidium, vt si datæ dimensiones a pratæ essent punctis 20. 20. excipiatur intervalum inter puncta 10. 10. pro futuri fontis dimensionibus.

Datam superficiem immutare in aliam cuius alia sit equalis primæ datæ.

CAPVT XVI.

ESset equidem hæc operatio difficilis, sed omnem difficultatem superat instrumentum hoc nostrum. Sit enim triangulus A., cui rombus æqualis triangulo A. quoad areas, sed rumbo B. similis fieri debeat. Primo quærat inter basim & dimidiam perpendicularem trianguli A media proportionalis, quæ sit C. deinde ipsius rombi B. media etiam proportionalis, quæ sit D. deniq; quærat quarta proportionalis ipsarum D. C. hoc scilicet modo, si latus quadrati quod est D. rombi B. dat latus falsum rombi B., quid dabit latus quadrati veri C. trianguli A., & proueniet latus veri rombi. Hoc est videas quam proportionem habeant latera rombi falsi, vt puta F. C. & proportionalis D. & in hoc exemplo sit vt 100. ad 53. postea secundum quantitatem lateris C. aperies in linea superficieum in 100, & excipies distantiam inter puncta 53. 53. pro latere E. Inde q; habere poteris solutionem probl. 7. prop. 25. lib. vi. Eucl. quo docet dato rectilineo simile, similiterq; positum; & alteri dato æquale idem constituere.

Extra



Extractio radice quadrata. CAPVT XVII.

IAm ventum est ad postremam sed per vilem harum linearum operationem, qua facili methodo ni fallor omnem radicem quadratam extrahere docebimus. Duplici itaq; via possumus harum linearum auxilio omnem radicem quadratam extrahere, licet postea nonnulla veniant notanda circa utranq; methodum, prout numeri erunt maximi, minimi, vel medij. Sit ergo extrahenda radix quadrata mediocris alicuius numeri ut 1600., considerentur in hoc & in quouis alio dato numero centesime, nam numeri centum radix quadrata est. 10. habebimus itaq; in dato numero decem fedecies, itaq; aperiatur instrumentum vtcunq;, & aliquo circino excipiatur distantia inter puncta 10. 10. lineæ linearum, hæc accomoderetur punctis I. I. lineæ superficierum, & immoto instrumento accipiatur distantia inter puncta 16. 16. lineæ superficierum, quæ seruetur, prior circini diuariatio denuo accomoderetur punctis 10. & 10. lineæ linearum, & immoto instrumento videatur quibus punctis lineæ linearum possit accommodari posterior circini vulgaris apertura, qua distantiam 16. 16. accepisti, vt in hoc casu punctis 40. 40. quare dices radicem quadratam 1600. esse 40.

Secundo potest hoc idem prestari hac ratione, semper ex scala immobili accipies distantiam 40. puncti à centro instru-

strumenti, hanc punctis 16. 16. lineæ superficierum per trāsuerſum applicabis conſtituto ſic ſtrumento à numero dato abijcies duas poſtremas figuras, & reſidui accipies inter uallum, quod meſuratum ſupra ſcalam immobilem dat radicem quadratam. Vt ſi quis expeteret radicem quadratam 8920. Primum accommodabimus ſtrumentum ut iam dictum fuit, ex dato numero reiectis duabus poſtremis figuris relinquitur 89., quare ex immoto ſtrumento accipimus diſtantiam inter puncta 89. 89. lineæ superficierum, hanc ſupra ſcalam immobilem meſurabimus, & abſcindet 95. ferè, qualem ſcimus eſſe proximam radicem quadratam numeri 8920. Circa hætenus dicta notandum, quod ſi due vltimæ figuræ excedunt 50. relicto numero vnitas ſit addenda, ut ſi proponeretur numerus 5859. abiectis figuris relinquitur 58. ſed quia due figuræ poſtremæ excedunt 50. ideo pro 58. accipimus 59. Secundo ſi numeri ſint maximi accipiat ex ſcala immobili quantitas 100. partium hæc per tranſuerſum accommodetur punctis 10. 10. lineæ superficierum, à propoſito numero abijciantur tres vltimæ figuræ, in reliquis omnia eadem manent ut in ſuperioribus. Si enim conſilium eſſet extrahere radicem quadratam numeri 23130. primum accommodabimus ſtrumentum ut iam dictum fuit abijciemus tres poſtremas notas & relinquetur 23., excipiemus diſtantiam inter puncta 23. 23. lineæ superficierum, quam meſurabimus ſupra ſcalam immobilem & abſcindet 152. proximam radicem quadratam dati numeri.

Tandem ſi numeri ſint minimi accommodabimus ſtrumentum ut in prioribus exemplis dictum fuit à numero dato nihil abijciendum, ſed ſtatim ex lineis superficierum cõpetentem diſtantiam accipiemus pro radice quadrata, notandum tamen quod in hoc caſu lineæ linearum decimæ vnitates nobis ſignificant, vnitates autem decimas partium. Vt ſi conſtitutum eſſet radicem quadratam 49. inquirere accommodamus ſtrumentum, vel enim aperimus vtcũq; & diſtantiam inter puncta 10. 10. lineæ linearum accommodamus punctis 1. 1. lineæ superficierum, vel ex ſcala im-


mobili accipimus quantitatem 40. partium, & hanc punctis 16. 16. lineæ superficialium applicamus, & immoto instrumento excipimus distantiam inter puncta 49. 49. dictarum linearum, quæ vel supra scalam immobilem mensurata abscindit 70. partem, vel aprato instrumento ad priorem constitutionem, per transversum applicata punctis 70. 70. præcisè conuenit, cum itaq; vt dictum fuit decimæ istius lineæ in hoc casu integras partes denotent, ideò dicendū erit 7. esse radicem quadratam numeri 49. Hæc q; est methodus extrahendi radicem quadratam, quam quidem vtilem futuram militibus neminem dubitaturum credidero, sed quoniam hac ratione possumus quidem facillimè acies quadratas disponere verum non alterius figuræ, non inconuenit hoc loco per vnicum exemplū demonstrare quomodo huius instrumenti beneficio possumus omnes acies cuiuscunq; figuræ statim disponere. Si quis enim non acies quadratas sed alterius figuræ desideraret, vt E. g. aliquis 85 16. milites ita disponere vellet, vt vbi in anteriori parte sunt octo ad latera sint quinq; , hoc non multo negotio huius circini auxilio absoluere poterit. Primum enim accipiet numeros progressionis traditos nempe 8. & 5. his 0. addet vt pro 8. efficiat 80., pro 5. 50., tandem vt possit aciei partem anteriorem inuenire aliquo circino ex scala immobili accipiat quantitatem 80. partium, hanc per transversum accommodabit punctis 40. 40., hoc est numero producto ex multiplicatione numerorum progressionis, à numero militum abijciat vnitates & decimas, hoc est duas vltimas figuras & reliquetur 85., excipiat distantiam ex immoto instrumento inter puncta 85. 85., quam si mensurabit supra scalam immobilem, videbit illam abscindere 117. punctum, quare meritò pronunciat istius aciei frontem continere dictū militum numerum. Latera etiam non absimili negotio inueniuntur, ex scala enim immobili accipitur quantitas 50. partium, hæc per transversum applicetur punctis 40. 40. lineæ superficialium, & immoto instrumento excipiat distantia inter puncta 85. 85., quæ supra scalam immobilem mensurata exhibet latera 73. militum. Vel ex scala immobili

Illi accipias quantitatem 17. partium, qualis fuit anterior pars aciei, hæc per transuersum accommodetur punctis 80. 80. lineæ linearum, vel si illi numero applicari non possit accommodetur punctis 160. 160., & excipiatur distantia vel inter puncta 50. 50., si prior distantia fuit aptata punctis 80. 80., vel inter puncta 100. 100., si fuit accommodata punctis 160., quæ mensurata supra scalam immobilem exhibet præcisè eadem latera 73. militum, prout positum fuerat inquirendum, hæcquæ sufficiant pro explicatione lineæ superficialium.

Vsus lineæ solidorum inter data duo vel plura solida similia proportionem elicere, & aliud illis simile construere. CAPVT XIX.

Explicatis illis operationibus, quæ per lineam superficialium perficiuntur, iam ad lineam solidorum transeundum, in qua primum vt in lineâ linearum, & in lineâ superficialium fecimus, inter data duo vel plura solida proportionem inuenire docebimus. Sint ergo A. B. C. D. latera homologa quatuor solidorum similium, latus A. aliquo circino accipiat, & secundum eius quantitatem aperiatur instrumentum in lineâ solidorum pro libitu vt in 100., tunc accipiat latus B. & videatur quibus punctis possit accommodari, vt in hoc exemplo punctis 76. 76., mox accipies latus C., & videbis aptari punctis 51. 51., tandem accipies latus D., quod congruet punctis 31. 31. & sic habebis solidorum proportionem inter se. Quod si desiderares solidum datis æquale, inuicem addas numeros omnes proportionum summam excipias ex immoto instrumento vt in exemplo A. habet proportionem ad B. vt 100. ad 76., ad C. vt 100. ad 51., ad D. vt 100. ad 31. isti numeri inuicem additi faciunt summam 258., verum supponamus lineam nostri instrumenti non excedere primum 100., non enim inconuenit inde enim melius potest illius vsus percipi, ideo ex D. & C. fiat vnicum latus, vt apparet in exemplo E., tunc iterum aperiuntur dicta lineæ pro magnitudine lateris E., sed in

minori numero ut puta in 30. videatur quo incidat A. & fit E
 g. in 9. $\frac{1}{2}$ iterum videatur quo incidat B. & fit in 7. $\frac{1}{3}$ tunc
 isti tres numeri inuicem additi faciunt summam 46.
 $\frac{5}{6}$ quare ex immoto instrumento accipimus distantiam in-
 ter puncta 46. 46. $\frac{5}{6}$ pro latere F. quod æquale erit om-
 nibus datis lateribus.



Datis duobus vel pluribus solidis semilibus unum ab altero subtrahere. CAPVT XIX.

SI sint plura solida vna, quærantur proportionales alterius
 ad alterum ut supra dictum fuit; & fiat additio ut omnino
 factum fuit in superiori exemplo pro latere F. fit modo
 subtrahenda linea lateris homologi G. quæratu ratio
 inter G. & F. quæ in superiori schemate fit ut 100. ad
 34. subtrahatur. 34. ex 100. reliquuntur 66. ex immoto in-
 strumento excipiatu distantia inter puncta 66. 66. pro late-
 re H. & ita facta erit subtractio, quæ proposita fuit. Simi-
 liter propositis duobus solidis quorum alter sit noti ponde-
 ris facile possumus alterius pondus indagare, ut si F. esset
 diame-

diameter spheræ 24. librarum G. autem esset diameter spheræ ignoti ponderis, accipiemus totam F. quantitatem hanc punctis 24. applicabimus, & videbimus quo incidat diameter G. vt in hoc casu vt in $8. \frac{1}{3}$, quare pronuntiabimus spheræ cuius diameter est G pondus esse librarum $8. \frac{1}{3}$

Dato solido quocunquè illud omni multiplici proportionione augere & minuere. CAPVT XX.

IN præfato superiori exemplo sit C. diameter spheræ librarum octo, & desideretur alia librarum quinq; & alia librarum quinquaginta, accipiatur quantitas C. circino aliquo hæc accommodetur per transfuersum punctis 8. 8. lineæ solidorum, & ex immoto instrumento excipiatur distantia inter puncta 5. 5. pro linea D. quæ ostendit diametrum spheræ quinq; librarum, similiter excipiatur distantia inter puncta 50. 50. pro linea E, quæ ostendet diametrum spheræ quinquaginta librarum. Non absimili operandi modo possumus probl. 5. prop. 27. lib. xi. Eucl: resolvere, quo docet à data recta linea dato solido parallelepipedo simile & similiter positum solidum parallelepipedum describere.


Datum solidum in partes petitas diuidere, atq; etiam datis duobus vel tribus solidis tertium & quartum proportionale ad iungere. CAPVT XXI.

Diuidentur superficies solidi ea ratione qua in linea superficieum Cap. x. & xi. docuimus diuidere superficies, nempe in oppositis partibus, coniungantur parallelis lineis diuisiones dictumq; solidum diuisum erit in partes petitas. In super dentur duo vel tria solida, & queratur tertium vel quartum proportionale, operatio est illa eadem, quæ in linea superficieum fuit explicata, tantum pro lineis superficieum accipi debent lineæ solidorum.

Datis duobus solidis duo media proportionalia elicere.

CAPVT XXII.

Sint A. & B. data duo solida, quibus inuenienda sint duo media proportionalia. Aperiatur in linea linearum secundum maius in quouis numero vt in 90. & videatur quod intret B. videlicet in 37. deinde aperiatur in solidorum linea in 37. secundum B., & excipiat distantia inter puncta 90.90. pro minori medio proportionali C. Deinde aperiatur secundum quantitatem A. in 90. & excipiat distantia inter puncta 37.37. pro maiori medio proportionali D. quod fuit propositum.




Dato parallelepipedo aequale cubum construere.

CAPVT XXIII.


Sit altitudo parallelepipedi C. D. latitudo C. B., longitudo A. B. oporteat cubum aequalem ipsi construere. Queratur quadratum basis B. A. B. id est inter B. A. & A. B. queratur media proportionalis, vt supra in linea superficialium fuit dictum, sitq; recta E. Deinde inter E. quadratum basis parallelepipedo, & ipsius altitudinem C. D. due medie proportionales inueniantur, vt in precedenti monstrauimus, quae sint F. & G. dico quod cubus constructus ex F. equalis sit parallelepipedo dato, quod est propositum.

Mutare



Mutare spheram in cubum. CAPVT XXIV.

Spherę propositę inuenias lineam potentem maioris circuli, vt Exempli gratia sit maior circulus spherę A. B. C. huius circuli inuenias quadratum, prout inferius Cap. 38. demonstrabimus, cuius latus sit D. inter latus quadrati D. & duas tertias diametri ipsius spherę nempe A. E. inueniantur duo media proportionalia, prout Cap. 22. docuimus, hæc autem sint F. & G. ex secundo nempe ex G. scilicet maiori fiat cubus, & habebimus optatum.



Duas

V S V S

Duas medias proportionales inuenire. CAPVT XXV.

Similiter propositis duabus lineis cognite magnitudinis linearum beneficio facili negotio possumus duas alias proportionales inuenire, quod similiter intelligendum si non essent duę lineę, sed duo numeri. Vt si in superiori. exemplo Cap. 21. posito A. esset 16. partium, D. 14 $\frac{1}{2}$ & necessum esset duas medias proportionales vel lineas vel numeros indagare. Primum accipimus quantitatem lineę D. quam per transuersum accommodamus punctis 16. 16. harũ linearum, & ex immoto instrumento excipimus distantiam inter puncta 14. 14. $\frac{1}{2}$ pro linea E, quę supra scalam immobilem mensurata dat 13. primum prouenientem numerum proportionalem, hanc distantiam iterum parum constricto instrumento accommodamus punctis 16. 16. & accipimus distantiam inter puncta 14. 14. $\frac{1}{2}$ pro linea F. quę supra scalam immobilem mensurata 12. $\frac{3}{3}$ ferẽ peribet secundum numerum proportionalem prouenientẽ.

Extractio radicis cubice. CAPVT XXVI.

Hęc, quę alias non exercitatis difficilis videri solet opere ratio, explebit tractatum lineę solidorum. Duplicem itaq; viam extrahendi radicem cubicam, prout de quadrata factum fuit, explicabimus, sit enim extrahenda radix cubica 8000. primo consideretur quoties 1000. contineatur in dato numero, nam eius radix est 10. manifestum autem 1000 in 8000. octies contineri, idẽ aperiatur instrumentũ pro libitu, & vno vulgari circino accipiatur distantia inter puncta 1. 1. lineę solidorum, hæc q; seruetur, mox alio circino non variato instrumento excipiatur distantia inter puncta 8. 8. earundem linearum, deinde prior accepta distantia accommodetur punctis 10. 10. lineę linearum, & videatur quibus punctis in dicta linea conueniat secunda distantia accepta,


cepta, vt hic punctis 20.20. quare dicendum cubicam radicem 8000. esse 20.

Alia ratione progredi etiam possumus, sit enim extrahenda radix cubica 59342. Primum ex scala immobili accipias quantitatem 40. partium, hanc per transuersum punctis 64.64. lineæ solidorum aptabis, sicq; instrumentum accommodatum erit ad extrahendas radices cubicas, à numero dato tres postremas figuras abijcias reliquum erit 59. igitur excerpas distantiam inter puncta 59. 59. lineæ solidorum, quæ mensurata supra scalam immobilem abscondet 39. punctum ferè, quare dices radicem cubicam propositi numeri esse 39. Si autem ex abiectiōe trium postremarum figurarum relinqueretur maior numerus, quam ex hac linea excerpi possit, vt si quis quæreret radicem cubicam 184231. abiectis tribus vltimis figuris relinquitur 184., qui quidem numerus ex hac linea non potest haberi, idèò accommodato instrumento vt iam dictum fuit accipimus distantiam inter medietatem propositi numeri nempè inter puncta 92.92 hanc aperto instrumento aptamus aliquo numero cuius duplum in hac linea haberi possit, vt E. g. punctis 40.40. & immoto instrumento excipimus distantiam inter puncta 80.80., quam mensuramus supra scalam immobilem, & habemus 56. ferè, quem dicimus ostendere proximam radicem cubicam propositi numeri 184231., quæ quærebatur. Tandem si numerus propositus sit maximus, vt si propositum esset inquirere radicem cubicam 2000000., tunc ex scala immobili accipias quantitatem 100. partium, hanc accommodabis punctis 100. 100. lineæ solidorum, & à proposito numero abijcies quatuor vltimas notas residuū erit 200., qui numerus in hac nostra linea non habetur, idèò accipies distantiam inter puncta 100. 100., & hanc accommodabis punctis 40.40. & immoto instrumento excipies distantiam inter puncta 80.80., quæ mensurata supra scalam immobilem dabit radicem cubicam 126. ferè.

*vsus linea metallica. Data sphaera cuius scunq; metalli
magnitudinem alterius sphaera eiusdem pon-
deris ex alio tamen metallo con-
structa indagare.*

CAPVT XXVII.

IAm Deo auspice peruenimus ad postremam lineam me-
tallicam scilicet, qua & ipsa sua vtilitate non caret, si
enim data diametro alicuius sphaera cuiuscunq; metalli pro-
positum esset quaerere diametrum eiusdem ponderis sphae-
rae, sed alterius metalli, nulli dubium quod absq; hac linea
difficillimum esset hoc praestare, nos tamen si A. esset dia-
meter sphaerae ferreae, quaereturq; cuius magnitudinis fu-
tura sit haec sphaera si ex cupro construenda esset, circino
aliquo accipiemus quantitatem lineae A. aperto instrumen-
to hanc accommodabimus punctis lineae metallica signatis
fer: fer:, & immoto instrumento excipiemus distantiam in-
ter puncta signata cup. cup., & haec ostendet diametrum
B. sphaerae ex cupro fabrefactae.



Sic etiam si desiderares proportionem metallorum inter
se facili negotio hoc cognosces, vt si v. g. desiderares
cognoscere proportionem auri ad mercurium, circino ali-
quo accipias distantiam puncti in linea metallorum signati
ar. vi. à centro instrumenti, secundum hanc aperies vtcunq;
in linea solidorum, vt v. g. illam applicabis punctis 100.
100., iterum accipies distantiam puncti aur; norati à cen-
tro instrumenti, & videbis quibus punctis linea solidorum
possit aptari, vt in hoc exemplo punctis 80. 80., quare in-
quies proportionem auri ad mercurium esse vt 100. ad 80.,


ex quo colligere est aurum esse magis ponderosum ad 20. pro 100.

Non absimili negotio si quis habens vas aliquod cupreū 30. librarum, volens simile aliud vas ex argento fabricare, peteret quot argenti libræ requirantur, possumus statim hoc scire, circino enim aliquo accipimus distantiam puncti in linea metallorum arg. signati à centro instrumenti, & hoc quia vas debet esse argenteum, hanc distantiam accomodamus punctis 30. 30. lineæ solidorum, tunc iterum accipimus distantiam puncti cup: signati à centro instrumenti, & videbimus quibus punctis lineæ solidorum, non variata tamen prima dispositione instrumenti, possit aptari, vt in hoc exemplo 40. 40.; idè dices 40. argenti libras necessarias esse ad futuram argentei vasis fabricam.

Cognito corporis metallici pondere inuestigare alterius metalli pondus quod sit simile, & æquale attamen diuersi ponderis metallo dato.

CAPVT XXIIX.

Pendet hæc operatio à proposita proportione metallorum, fitq; hoc modo. Sit A. B. C. cubus repletus mercurio, cuius pondus sit nouem librarum, quæritur si idem cubus impleatur cupro cuius ponderis erit. Accipiatur latus A. B. vno circino, aperiatur secundum acceptam quantitatem in punctis argenti viui, & immoto instrumento accipiatur diuarcatio cupri deinde aperiatur secundum iam acceptam distantiam cupri in linea solidorum in 9. 9. & videatur quo incidat alter circinus accepti spatij inter puncta mercurij, quod fiet ferè in $5 \frac{2}{3}$ quod erit pòdus cubi impleti cupro, quod quærebatur.



Dato corpore metallico aliud construere equalis ponderis, sed diuersæ magnitudinis. CAP. XXIX.

IN supra notato schemate sit A. B. C. cubus stanneus & desideretur si alius fieri deberet argenteus cuius magnitudinis sit futurus. Aperiatur in punctis stanni secundum omnia latera enbi, & excipiat interuallum punctorum argenti, & ex inuentis lateribus argenti construat cubus similis alteri, qui magnitudine erit diuersus, sed pondere tamen æqualis. Quod vnico exemplo demonstrare possumus, circino aliquo accipiat quantitas alterius lateris vt puta A. B., secundum quam aperiatur in punctis stan. stan., & ex immoto instrumento excipiat distantia inter puncta arg. arg. pro latere D., hacq; eadem methodo omnia alia latera erunt accipienda, donec totus cubus sit constructus.

Quomodo propositæ spheræ noti ponderis diametro cognita, possimus has lineas accommodare vt liberatoribus exactissimè inservire possint.

CAPVT XXX.

Constat omnibus metalla inter se esse diuersa ratione ponderis, tum apud diuersas Gentes variam esse ponderum

Terum quantitatem quare qui instrumentum vniuersale (vulgariter chalibario dicitur) desiderat, illud absq; omni dubio debet esse mobile, ad hoc vt possit diuersis ponderibus diuersarum gërium, & diuersis metallis accommodari, hoc autem istius instrumenti beneficio prestari posse assumpto exemplo facillimè demonstrabimus. Si nanq; esses Mediolani, & optares instrumentum accommodatum iuxta rationem ponderis illius Ciuitatis inquiras diametrum alicuius spheræ E.g. plumbeæ noti ponderis vt puta 20. librarum, hanc diametrum vel in instrumento, vel alibi signabis, ita vt quociescunq; libuerit integram eius quantitatem habere possis; quando itaq; necessum erit aptare instrumentum, ita vt accepta quantitate oris alicuius tormenti bellici possis scire pondus metalli, vt puta plumbi, quod iniici debet, statim accipias diametrum spheræ 20. librarum supra notatam, secundum quam aperies lineas solidorum in 20. 20. hoc est secundum pondus spheræ cuius diametrum assumpsisti tunc accepta oris tormenti bellici quantitate, videatur quo incidat, ex numero enim punctorum cognoscemus pondus spheræ requisitæ. Sin verò quis quereret quantum ferri illud idem instrumentum bellicum recipiat, accipies diametrum pilæ plumbeæ seruata, & pro illius magnitudine aperies in punctis plum: plum: notatis, & immoto in strumento accipies diuarcationem ferri, quam accommodabis punctis 20. 20. lineæ solidorum, videbisq; quo incidat oris tormenti bellici quantitas, ex numero enim punctorum elicies quantitatem ferri requisiti.

Dato corpore metallico dimensioncs alterius diuersi ponderis, & diuersi metalli inquirere.

C A P V T X X X I.


Quærat aliquis, si data forma tormenti bellici ferrei 14. librarum aliud cupreum 6000. librarum construendum esset, omnes eius dimensiones. Accipias alicuius partis dimensionem, secundum hanc aperies instrumentum in punctis fer: fer:, & immoto instrumento excipies distan
tiam


tiam inter puncta cup: cup:, hanc punctis 14. 14. linea foli-
 dorum aptabis, immoto instrumento excipies distantiam in-
 ter puncta 100. 100., qua ostendet futuri tormenti bellici
 quaesitam dimensionem, quando illius pondus esset 100. li-
 brarum, sed postquam ut diximus debet esse 6000, ideo hac
 distantiam aptabis alicui numero dictarum linearum, cuius
 alium 60. maiorem habere possis, ut E.g. punctis 1. 1., &
 immoto instrumento excipies distantiam inter puncta 60.
 60. qua ostendet quaesitam dimensionem futuri tormenti
 bellici cuprei. Hacq; ratione omnes alias dimensiones faci-
 li negatio inuenire poteris. Verum si futurum tormentum
 bellicum non ex solo cupro, sed stanno mixto componen-
 dum esset, ut si E.g. in tribus libris cupri miscenda esset li-
 bra stanni, tunc necessum erit portionem illam linea metal-
 licæ in utroq; crure instrumenti, qua est à puncto cupri ad
 punctum stanni in quattuor æquales partes diuidere, & reli-
 ctis tribus partibus versus stannum, aliam partem subtili no-
 ta signare, hisq; punctis utendum erit loco punctorum cup:
 cup: reliqua omnia manent ut in superiori exemplo. Notan-
 dum insuper quod vna inuenta dimensione ut superius
 dictum fuit facili negotio linea linearum beneficio pos-
 sumus omnes alias indagare, reperta prius proportione
 dimensionis datæ ad inuentam. Ut E.g. A. erat crassities po-
 sticæ partis tormenti bellici B. verò dimensio inuenta, pro
 futura fabrica volumus inquirere aliam dimensionem qua-
 cunq; sit itaq; alia dimensio C., inuenias quam proportio-
 nem habeat B. ad A., qua in hoc casu est ut 250 ad 29. ac-
 cipias itaq; quantitatem C. & secundum hanc aperies in li-
 nea linearum in 29. & immoto instrumento excipias distan-
 tiam inter puncta 250. 250. pro linea D., qua ostendet di-
 mensionem quaesitam.

Vsus linea quadrantis, hacquè est interior in postica parte instrumenti. Proportiones inter angulos vnus cuiusq; trianguli nullo angulo noto inuestigare.

CAPVT XXXII.


EXplicata anteriori parte instrumenti iam transeundum ad posticam partem, & primum ad lineam quadrantis cuius auxilio quarimus proportiones inter angulos vnus cuiusq; trianguli nullo angulo noto inuestigare, sit itaq; triangulus A. B. C. vt cunq; ex singulis angulis arcus describantur qualescunq; per sua latera, vt apparet per litteras D. F. G. H. I., eadem diuicatione circini aperiatur in hac linea quadrantis in punctis 60. 60. deinde sumatur distantia sectionum arcus facti in lateribus, vt pro angulo B. sumatur distantia inter puncta I. & F. pro angulo C. inter H. & E. pro angulo A. inter D. & G. & immoto instrumento videatur in quem graduum numerum incidant singuli termini arcuum, qui ostendent magnitudinem angulorum, quæ quærebatur.





*Duos arcus similes addere eorumquè graduum numerum
determinare. CAPVT XXXIII.*

Sint arcus similes qui ex eadem diametro fuerunt dedu-
cti, vt est A. , & B. aperiatur secundum semidiametrum
ipforum in 60.60. & accipiantur termini ipforum arcuum,
& videatur in quem numerum graduum incidant, vt in hoc
exemplo A. erit 43. partium B. vero 70; deinde secundum
eamdem diametrum ducatur acus vel circulus C. in quem
transferantur mensuræ arcuum datæ & facta erit additio,
notusq; graduum numerus, qui nobis erat propositus in-
dagandus.



Arcum datum multiplici proportione augere.

CAPVT XXXIV.

SIt datus in superiori exemplo arcus B., & iuxta hunc secundum datam diametrum alius arcus sit construendus triplex, videatur quot gradus contineat arcus B., vt in superiori exemplo dictum fuit, continebat autem si meministi 70. partes, ideo secundum ipsius semidiametrum aperies in 60. 60. & excipies triplum per partes, hoc est primum excipies distantiam inter puncta 90. 90. que bis accepta in circulo C. præbet arcum D. E. mox accipies distantiam inter puncta 30. 30. & habebis arcum E. F., qui duo arcus constituunt arcum D. F., qui erit in tripla proportione ad ipsum arcum B. Non ab simili etiam negotio possumus arcum propositum in suas partes diuidere, si secundum semidiametrum aperiat in 60. 60. & sumantur partes maiores de decem in decem, deinde de quinque in quinque, & sic deinceps, donec arcus sit diuisus in suas omnes partes.

Numerum graduum apertura instrumenti inuenire.

CAPVT XXXV.

SI instrumentum vel linea quadrantis sit aperta vt cunque, & aliquis scire cuperet numerum graduum istius apertura. Accipiat distantiam inter puncta 60. 60. que ex centro instrumenti deorsum, transferatur, numerus punctorum in quem incidet circinus indicabit numerum graduum apertura instrumenti. Hæcque sufficiant de vsu lineæ quadrantis.

De vsu lineæ circulorum secare circulum in quotlibet partes. CAPVT XXXVI.

TRanfentes ad vsum lineæ circulorum, primum circulum secare in omnes petitas partes demonstramus. Aperiat itaque instrumentum secundum semidiametrum circuli, & firmato instrumento accipiat distantia inter pun-

Et illius numeri in quem debet secari circulus. Vt si datus esset circulus A. diuidendus in quinque partes æquales, accipias semidiametri quantitatem, hæc punctis semidiametri nec circularum 6. 6. signatis applicetur, & immoto instrumento excipiat distantia inter puncta 5. 5. quæ erit quinta circuli dati pars. Hacq; ratione solues etiam 1. probl. prop. 16. lib. 12. Euclidis, quo docet duobus circulis circa idem centrum existentibus in maiori circulo polygonum æquilaterum & parium laterum inscribere, quod non tangat minorem circulum.



Dato latere pentagoni inuenire suum circulum.

CAPVT XXXVII.


Si latus pentagoni B. C., secundum quod aperiat in suo numero scilicet in 5. 5. & excipiat semidiameter immoto instrumento, tunc firmato vno pede circini in B. describatur arcus occultus iterum firmato pede circini in C. ducas alium arcum occultum, qui priorem interfecet, in interfectione centrum erit, ex quo ductus circulus dictum latus B. C. quinquies continebit. Hinc colligitur quod proposita aliqua linea, quæ debeat esse latus alicuius figuræ multilateræ facili negotio possumus illam figuram describere. Vt si data esset aliqua linea ex qua describenda esset figura octo laterum, accipimus totam lineæ quantitatem, hanc accommodamus punctis 8. 8. nempe punctis laterum figuræ, & ex immoto instrumento excipimus distantiam inter puncta

Et a semidiametri, firmatoq; vno circini pede in altero lineæ termino secundum acceptam distantiam describimus arcum occultum, tum iterum firmato pede circini in alio lineæ termino describimus alium arcum, in interfectione facto centro describimus occultum circulum incedentem per terminos datæ lineæ, hunc pro magnitudine propositæ lineæ diuidimus in octo partes, ad puncta diuisionis ducimus rectas & habemus opratum. Ex quo habes etiam facillimam solutionem probl. 11. prop. 11. lib. 4. Eucl., quo in dato circulo pentagonum æquilaterum & æquiangulum inscribere docet, nec non probl. 15. & 16.

Vsus lineæ quadratricis dato circulo æqualem triangulum quadratum pentagonum &c. construere.

C A P V T X X X I I X.

Qui aliquando Mathematicorum scripta diligenter per uoluit, potest sine dubio ex præsentis operatione, qua docebimus quadratum circulo æquale inuenire, huius nostri instrumenti vtilitatem cognoscere. Si enim propositum esset dato circulo æqualem triangulum, quadratum, pentagonum &c. construere. Aperiatur in hac linea secundum dimidiam diametrum dati circuli, & immoto in-



strumento excipiantur interualla figurarum quæ sitarum, & habebimus propositum. Vt si velles heptagonum dati cir-

culi A. aperiatur in punctis semidiametri pro quantitate ipsius semidiametri, & excipiat interuallum inter puncta 7. 7., vel inter puncta quadrati pro latere quadrati A. D., vel inter puncta trianguli per triangulo A. E. F.

E conuerso etiam dato quadrato pentagono &c. equalem circulum describere possumus, vt si datum esset latus quadrati D. A., accipimus quantitatem D. A., hanc punctis quadrati harum linearum aptamus, & excipimus distantiam inter puncta semidiametri pro circulo A.

*Dato quadrato pentagono triangulum &c. equalem
construere. CAPVT XXXIX.*

Licet hæc operatio à superiori non sit dissimilis, tamen supra datum exemplum iterum repetere superuacaneum non credo. Detur itaq; latus quadrati D. A., cui triangulum æquilaterum æqualem volumus, aperiatur secundum dictum latus in punctis quadrati, & excipiat distantia inter puncta trianguli pro triangulo A. E. F.

*Data figura quacunq; irregulari hoc est circulo, quadrato,
&c. ipsi æqualem construere. CAP. XXXX.*

Sit vt cap. 14. diximus triangulus qualifeunq; A. B. C. cui circulum quadratum &c. æquale inuenire cupio, Primum quærat inter totam basim & dimidiam perpendicularem ipsius trianguli media proportionalis, vt ibidem demonstrauius, quæ erit latus quadrati æqualis ipsi triangulo A. B. C., secundum hoc latus vel mediam proportionalem F. aperiatur in punctis quadrati in hac linea & excipiat interuallum punctorum figuræ desideratæ, Hincq; si vides manifestissimè pendet solutio problem. 2. prop. 14. lib. 2. Eucl. nam si ex rectilineo constituemus duos triangulos, & inter totam basim & dimidiam perpendicularem vniuscuiusq; trianguli inueniemus mediam proportionalem habebimus latera duorum quadratorum quibus si vnicum æquale inuenierimus, habebimus quadratum dato rectilineo æquale, quod faciendum propositum fuerat.

Lineam

Lineam æqualem circuli circumferentia inuenire.

CAPVT XXXI.


A Periatur in punctis semidiametri, secundum semidiametrum dati circuli, & excipiatuſpatium punctorũ quartę partis circumferentię quod interuallum quater meſuratum ſupra aliquam lineam, conſtituet illam æqualem toti circumferentię circuli. E conuerſo etiam ſi propoſitũ eſſet datam lineam mutare in circulum, illa diuidenda eſſet in quatuor partes æquales, tunc circino aliquo accepta quarta pars iſtius lineę accommodatur punctis quartę partis circumferentię, & excipitur diſtancia inter puncta ſemidiametri, ex qua deſcribitur circulus, cuius circumferentia æqualis erit lineę datę.

Dato circulo pentagono &c. figuram quamcunq; ipſi circulo æqualem & alteri ſimilem conſtruere.

CAPVT XXXII.

S It A.B. circulus cuius queratur vt ſupra docuimus æquale quadratũ cuius latus ſit C.D., ſitq; alia figura F.G.H.I.K. cui alia figura ſimilis & dato circulo æqualis ſit cõſtrueda, queratur quadratum E.F.G.H.I.K., reducendo eam in triangula, quod ſi æquale fuerit quadrato circuli iam intentionem conſequutus eris, ſin minus detrahatur minus quadratum ex maiore, & ex reſiduo fiat figura æqualis dato circulo, & ſimilis datę figurę. Si verò minor fuerit, vt in hoc exemplo differentia addatur minori quadrato, vt æqualis fiat quadrato circuli reliqua ſunt iuxta tradita Cap. 16. in linea ſuperficierum.

Datis



Datis pluribus figuris regularibus licet dissimilibus unicam aequalem omnibus datis constituere.

CAPVT XXXIIJ.

Pendet hæc operatio à Cap. 15. & 38. per 38. enim inuenimus tot latera quadratorum æqualium quot sunt datæ figuræ, tum per 15. Cap. inuenimus unicum quadratum aequale omnibus iam inuentis, quod sine dubio erit aequale

æquale etiam omnibus datis figuris, hæcque sufficiant pro
 explicatione lineæ quadratricis.

*De Vsu lineæ quinque solidorum regulatorum Data
 Sphæra inuenire latus hexaedri tetraedri, octo
 edri. &c. C A P. XXXIV.*

Aperiatur secundum diametrum, vel semidiametrum in
 sius sphæra, & excipiatur latus petitum. Similiter da-
 to latere hexaedri, vel dodecaedri possumus inuenire sphæra
 cui sit inscriptibile. Aperiatur enim secundum datum latus
 in suis punctis, & excipiatur diameter vel semidiameter, vt
 fiat sphæra, hincq; patet solutio probl. 2. prop. 2. nec nõ pro-
 bl. 5. prop. 5. lib. 16. Euclidis. Hæc q; sufficiant pro explica-
 tione vsus omnium linearum nunc ad quadratum transe-
 undum, cuius beneficio absque sinuum notitiâ, longaq; tri-
 angulorum supputatione facillimè quilibet distantias, pro-
 funditates & altitudines omnes dimetiri poterit.

Vsus Quadratus.

VT diximus dum de huius instrumenti fabrica sermo-
 nem habuimus, hæc quarta circuli pars in interiori
 circūferentia continet scalam libratoriorum, de qua nec ver-
 bum quidem subiungam, satis enim notus est eius vsus; in
 alia habet quadrantem astronomicum, qui licet propter
 sui angustiam minus conueniens sit rebus Astronomicis
 tractandis, tamen satis commodè potest turrium, flumī-
 num, & huiusmodi proprias dimensiones nobis exhibere,
 tertio loco ponitur quadratum geometricum, quod ad di-
 ctas dimensiones indagandas quam maximè conducere nul-
 lus est qui dubitare possit, modo aliquando auctorum mo-
 numenta perlustrauerit. Verum cum astronomici quadrā-
 tis vsus, vt plurimum sit laboriosus, notitiâq; triangulo-
 rum sinuum tangentium & huiusmodi non minimam exi-
 gat, idè solum per quadratum geometricum dimetendi
 praxim conscribere decreui, quæ licet à quam pluribus alijs
 diffuse

diffusè admodum sit tradita tamen cum ab aliquibus secreti loco hic modus dimetiendarum altitudinum, profunditatum &c. per hoc instrumentum habeatur, cumque illis qui firmam sedem non habentes minus commode quadratum geometricum secum gestare valent, maximam utilitatem sit allaturus, idè non inutiliter me facturum existimaui, si illa quæ ab alijs prolixè de quadrato geometrico fuerunt tradita breuiter, dilucidè tamen, ad hoc nostrum instrumentum reduxero.

Distantiam inter duos terminos in eodem plano ad quorum alterum tantum accedi possit indagare.

CAPVT I.



Notandum imprimis, quod hæc extrema circumferentia diuisa in 200. partes continet vmbra rectam & vmbra versam ipsius quadratus geometrici, idè vt illos centenarios distinguere valeamus. E.g. dum per brachium C. D. cernimus in proxime sequenti figura, qui iuxta mensuris oculum collocatus in superiori parte versus D. secundum qui autem illi opponitur primum semper nominabimus, primus enim nobis ostendit vmbra versam, secundus autem vmbra rectam. Sit itaq; inuestiganda distantia A. B., vt puta latitudo alicuius fluij, à centro instrumenti dimittas perpendiculuni libere cadentem, tunc constitutus in puncto A. obseruabis quodcunque signum C, progressus verò ad locum C. per instrumenti brachium C. D. (quod quidem si duo pinnacidia, habebit, ad hoc vt visus aberrare non valeat, obseruatio erit exactior) respicies terminum B., & obseruabis quot partes, & cuius nam 100. an primi an secundi, secantur à perpendiculo, nam primo si secantur aliquot partes primi centenarij, vt puta 18. tunc mensurabis distantiam A. C. & sit E.g. 12. pedum, sicq; institues ratiocinium, si partes abscissæ hoc est 18. dant 100. quot dabunt 12. facta itaque operatione vel per regulam trium, vel

per quas postea ratiocinantur vt superius dictū fuit, à quo quidem modo, vt pauca de illo subiungam, in maximam ductus sum admirationem, nec enim satis videre possum an isti reuera sic credant, an potius homines ad eò crassi cerebri existiment, vt pro libitu illis imponere liceat, quæ enim qui fieri potest, vt in tanta partium angustia & multitudine, mensuris oculis nulla adhibita dioptra non longe à vero aberrret? quod si paruipendunt reuera nugantur, similiterq; parui fieri merentur, & ideo vtiliora inquirentes, hæc missa faciamus.

Idem inter stitium inter duos terminos eiusdem plani in quorum nullo obseruari possit, dum tamen in aliorum directo accommodari valeat inuenire.


CAPVT II.

Sint duo termini A. & B. in eodem plano quorum cognoscenda sit distantia tametsi ad neutrum illorum accedi possit ob aliquod obstaculum. Conuerte instrumentum in statione C. ita vt brachium C. D. tendatur secundum rectam terminorum A. & B., & per aliud C. E. obseruabis quodcumq; signum F., cuius distantia per mensurationem possit à te perdisci, sit autem distantia E.g. 30. pedum, progressus in puncto F. ita dispones instrumentum, vt per brachium F. G. primum videas punctum A., deinde terminum B., & in vtraq; obseruatione notabis partes abscissas à perpendiculari, quæ vel in vtroq; erunt primi, vel secundi centenarij, vel in vna primi, in altera secundi. Sint autem primum in vtraq; obseruatione secundi centenarij supponamus itaq; quod dum respicimus terminum A. abscindantur 80. partes, dum vero terminum B. 40., sic procedendum erit, partes abscissæ dant 100. quot dabit distantia C. F., scilicet 30. duces enim 100. in 30. productū erit 3000. hunc numerū primū diuides per 80. quotiens erit $37\frac{1}{2}$ mox per 40. habebisq; 75., subduces $37\frac{1}{2}$ ex 75. re-

siduum

CIRCINI PROPORTIONIS. 42

Aduum erit $37 \frac{1}{2}$ quare inquires distantiam A. B. esse pe-
 diū $37 \frac{1}{2}$. Quod si partes abscissa à perpendiculo sint primi
 centenarij, vt E. g. 10. & 20., horum differentia est 10.



quare dicendum esset 100. dant 10. quot dabunt 30. nempè
 distantia C. F. Quod si perpendiculum dum aspiciamus


L 2 termi-

terminum A. abscinderet partes secundi centenarij, dum vero aspiciamus terminum B. abscinderet partes primi centenarij, vt pro A. 55. pro B. 37. primum sic procedes 55. dant 100. quot dabunt 30. scilicet C. F. productum erit $54\frac{1}{2}$ ferè, tunc iterum dices 100. dant 37. , quot dabunt 30. , productum erit 11. ferè, subtrahas hoc secundum productum à priori reliquum erit $43\frac{1}{2}$ ferè quare dices distàtiam A. B. esse pedum $43\frac{1}{2}$

Verum enimvero si liceret quidem vsq; ad terminum B. accedere, non autem esset possibile constituere lineam perpendicularem ad ipsum B., sed propter loci angustiam necessum esset versus D. procedere, tunc firmato instrumento in puncto B., ita vt rectà etiam respiciat punctum D., per brachium instrumenti B. C. respiciendo punctum A. obseruabis partes abscissas à perpèdiculo, quæ sint E.g. 40., progressus verò ad punctum D. per brachiū D. E., iterum aspici edo terminū A. denuo notabis partes abscissas, quæ sint 20. sit verò distàtia D. B. pedū 15. Quoniã hæc operatio per numeros est satis laboriosa, primus enim numerus in se ipsum ducendus esset, productū esset 1600. cui addendum esset quadratū ipsius B. D. scilicet 225. summa esset 1825, huius numeri indaganda esset radix quadrata nempe 42, hæc duenda esset per 15., productum erit 630. quod diuidendum foret per 20. per differentiam scilicet acceptarum partium, productumq; ostenderet distàtiam A. B. Quod cum vt diximus minus exercitatis laboriosum videri possit, idè hoc totum per lineas linearum præstare non iniocundum erit. Disponantur itaq; hæ lineæ ad angulos rectos hac ratione scilicet, circino aliquo ex scala immobili accipias quantitatem 100. partium, firmatoq; vno circini pede in 80. puncto tã diu aperiatur instrumentum donec alius præcise abscindat 60. punctum, sicq; lineæ erunt accommodatæ, tunc ex immoto iustrumento excipias distàtiam inter puncta B. D. & B. A., hoc est inter 15. & 40. hæc constricto instrumento aptetur punctis 20. 20. hoc est differentia B. A. & D. A. quod

CIRCINI PROPORZIONIS 43

quod si commode hoc numero non possit aptari accommo-
 detur duplo vel triplo maiori numero, vt in hoc casu pun-
 ctis 40.40. mox ex immoto instrumento excipiat distan-
 tia inter puncta D. B. hoc est 15.15. quæ supra scalam im-
 mobilem mensurata abscindet $15 \cdot \frac{3}{4}$ quare dicendum di-
 stantiam A.B. esse pedum. 31. $\frac{1}{2}$




Insuper si necessum esset obseruare distantiam A.B. nec
 esset possibile per rectam lineam istas duos terminos A.B.
 aspicere,

aspicere, vt apparet in exemplo, nec enim ex loco C. nec ex loco D. id fieri potest ideo sic procedendum erit, constituti in statione D. ita vt per lineam rectam videamus terminum A. & per aliam quodecunq; signum C. per brachium instrumenti D. E. aspicientes terminum B. notabimus partes abscissas à perpendiculo, sint autem E.g. 88. tunc progressi ad stationem C. ita vt linea C. D. sit ad angulos rectos cum linea D. A. per brachium instrumenti C. F. aspicientes terminum A. notabimus partes abscissas à perpendiculo, quæ sint 38, vltius etiam mensurabimus distantiam C. D. quæ sit pedum 60. Cum itaq; supponamus partes abscissas esse secundi cetenarij, idè ex scala immobili semper accipies quantitatem 100. partium hanc per transuersum aptabis punctis maioris numeri, vt hoc loco punctis 88. excipiesque interuallum inter puncta distantia C. D., hoc est 60. 60. quod aptabis punctis minoris numeri partium abscissarum vt hic 38. 38., quod si non potest duplo vel triplo maiori numero debet accommodari, vt hic punctis 76. 76. ex immoto instrumento excipiat distantia inter puncta numeri differentia partium abscissarum quæ in hoc casu est 50, vel inter duplum, uel triplum, prout prima vice fecimus, vt in hoc exemplo inter 100. 100. quæ distantia mensurata supra scalam immobilem abscindet 90. punctum ferè, quem numerum seruabis, tum dispones has lineas ad angulos rectos, vt supra monuimus ex immotoq; instrumento excipies distantiam inter punctum seruati numeri, & inter punctum distantia C. D. hoc est inter 90. & 60. quæ supra scalam immobilem mensurata abscindet 103. partes, quare dices distantiam A. B. esse pedum 108. ferè. Quod si dum uolumus prædictam distantiam A. B. metiri ob loci penuriam minus commodum esset stationes ita vt dictum fuit disponere, tamen illud idem perficitur hac alia ratione. Existentes in puncto D. inueniemus distantiam D. A., quæ sit 140., & distantiam D. B., quæ sit 523., vt mox dictum fuit aspicientes terminum B. notabimus partes abscissas, quæ sint 80. Tunc disponemus lineas linearum ad angulos rectos, excipiemusq; distantiam inter

CIRCINI PROPORZIONI S 44

Inter punctum 100. & inter punctum partis abscissæ, hoc est inter 100. & 80. hanc distantiam mensurabimus supra scalam immobilem, & abscindet 128. ferè, quem numerum seruabimus, ex scala immobili iterum accipiemus quan-



titatem partium abscissarum, hoc est 80., hunc aptabimus punctis numeri 100. & 128. proximè seruati, & ex immoto instrumento excipiemus interuallum inter puncta numerorum

rorum distantia D. A. & D. B., hoc est inter 240. & 123.
hoc mensuratum supra scalam immobilem abscindet 163.
partem quamproximè, quare dicendum erit distantiam A.
B. esse pedum 163.

*Distantiam diametralem signi scilicet in plano positi à su-
mitate, vel alio quopiam edificij signo ad perpendi-
culum illi plano erecti; cum ad signum plani,
& ad basim edificij accedi potest dimetiri.*


C A P V T I I I.

SI quis scalam sufficientis magnitudinis ad turrim B. C.
conscendendam parare vellet, sine dubio iste debet præ-
scire diametralem distantia alicuius signi vtputa A. ad ipsum
B. hoc est debet præscire distantiam alicuius puncti in pla-
nitie positi à sumitate turris quod huius instrumenti auxilio
indagare poterit. Progressus ad punctum A. per brachium
A. D. respiciet punctum B., interim obseruabit vbi cadat
perpendicularum, vel enim interfecabit primum centenarium,
vel secundum, vel tandem cadet inter primum & secundū.
Primum autem si perpendicularum ceciderit inter duos cen-
tenarios, mensurabis distantia A. C., quæ sit E. g. pedum
20. hanc in se met ipsam duces productum erit 400., hoc
duplicabis proueniet 800., cuius per tradita cap. 17. inue-
nies radicem quadratam scilicet $27\frac{1}{2}$ ferè, qualis esset dia-
metralis distantia A. B.

Si verò secuerit primum centenarium, vt E. g. 70., tunc
sic procedendum erit, primum debes elicere radicem qua-
dratâ ex quadrato perpendiculari E. D., dispones itaq; lineas
arithmeticas ad angulos rectos, vt in superiori cap. diximus,
tunc semper firmato vno pede circini in puncto 100. nota-
to alium extendemus ad punctum numeri partium abscissa-
rum, vt in hoc exemplo ad 70., hanc distantiam mensura-
bimus supra scalam immobilem, & inueniemus abscindere
122. punctum ferè, tuncq; postea semper dicendum si 100.
dant 122. quot dabit distantia A. C. vt puta 20. pedum, qua-
re facta operatione per tradita cap. 5. proueniet pedes $24\frac{1}{2}$
ferè, distantia A. B. quæ sita. Tertio

CIRCINI PROPORTIONIS. 45

Tertio & ultimo si perpendiculum abscindet secundum centenarium vt 28., tunc aptatis lineis linearum vt diximus excipies distantiam inter puncta 100. & 28., tot enim supponimus abscindi partes secundi centenarij, hanc mensurabis supra scalam immobilem, & inuenies $103\frac{1}{7}$ ferè, quare inquires si partes abscissæ 28. scilicet dant $103\frac{1}{2}$ quot dabit distantia A. C., & facta operatione offendetur quartus numerus distantiam quæsitam exhibens.



Si non liceret accedere ad basim, sed tantum ad signum
 plati, geminatis obseruationibus obseruare possumus prædi-
 ctam distantiam. Primum itaq; in superiori schemate facta
 prima obseruatione in statione. F. vt diximus, re trocedemus
 à re visa rectò semper tramite pro libitu, vt in A, ibiquè ite-
 rum per latus A. D. obseruabimus terminum B. notando
 partes abscissas à perpendiculari, quæ vel in utraque statione
 sunt primi, vel secundi centenarij, vel in vna primi, in alte-
 ra secundi. Primò autem ponamus quod in vtraq; statio-
 ne perpendicularum interfecit secundum centenarium, in F.
 quidem 93. in A. verò 48. Subducas minorem ex maiori
 differentia erit 45. deinde mensurabis distantiam F. A. quæ
 fit 15. pedum, his peractis dispones lineas linearum ad an-
 gulos rectos vt multoties dictum est, excipies interuallum in-
 ter punctum 100. & punctum numeri partium in prima sta-
 tione abscissarum, hoc est 93., hoc mensurabis supra scalam
 immobilem abscindet 136. quam proximè, tunc dices dif-
 ferentia partium abscissarum hoc est 45. dat 136. quot da-
 bunt I. S. pedes distantia scilicet. F. A. facta itaque operatio-
 ne inuenies 41. ferè, quare dices distantiam F. B. esse pedum 41.

Secundo supponamus perpendicularum in vtraq; statione
 abscindere partes primi centenarij, vt in F. 70. in A. 46, ha-
 rum differentia est 24, tunc sic dicendum partes abscissæ in
 secunda statione 46. scilicet dant 100. quod dabit differen-
 tia prædictarum partium 24. facta itaque operatione si lu-
 bet per lineas linearum inuenies $52 \frac{1}{5}$ quem numerum
 seruabis, tum denuò dispositis lineis ad angulos rectos exci-
 pies interuallum inter 100. & punctum numeri partium pri-
 mæ stationis, hoc est 70. quod mensuratum supra scalam
 immobilem abscindet 122. ferè, tunc dicendum si $52 \frac{1}{5}$ quæ
 proximè dant 122. quot dabit distantia F. A. scilicet. 15. &
 facta operatione inuenies 35. ferè pro quarto numero pro-
 portionali.

Tertio supponamus in prima statione filum abscindere
 partes aliquas secundi centenarij vt puta 43. in secunda ve-
 rò statione partes primi centenarij vt 58, accipias ex scala
immobili

CIRCINI PROPORCIONIS. 46

immobili quantitatem 100. partium, hanc per transuersum punctis 58. 58. hoc est partium abscissarum in secunda statione aptabis, immotoque instrumento excipies interuallū inter puncta 100. 100. quod mensuratum supra scalam immobilem abscondet $172. \frac{1}{2}$, ex hoc numero demantur partes abscissæ in prima statione, residuum nempe $129. \frac{1}{2}$ seruabis, tunc elicias radicem quadratam ex summa quadratorum integri lateris hoc est 10000, & partium abscissarum in secunda statione, prout superius per exempla multoties demonstrauimus, hæc autem sit ferè 115. Tunc ex scala immobili accipias quantitatem 115. partium, hanc aptabis punctis 129. $\frac{1}{2}$ & excipies interuallum inter puncta numeri distantia. F. A., hoc est 15. 15. quod mensuratum supra di-
 ctam scalam immobilem abscondet $13. \frac{1}{2}$ ferè ex quo numero habebis distantiam quaesitam F. B.

Quod si radix turris propter aliquod impedimentum minus uideri posset, & in utraque statione perpendiculum abscondit secundum centenarium, dicendum erit si differentia partium abscissarum in prima & in secunda statione dat partes abscissas in prima, quot dabit distantia F. A. si uero abscondit primum centenarium dicendum si differentia partium abscissarum dat partes abscissas in secunda statione, quot dabit distantia F. A. Tertio & ultimo si in prima statione interfecat secundum, in secunda uero primum centenarium accipias ex scala immobili quantitatem 100. partium, hanc aptabis per transuersum punctis numeri abscissarum partium in secunda statione, & excipies interuallum inter puncta 100. 100., quod mensuratum supra scalam immobilem dabit quartum numerum, ex quo si subdu-
 xeris partes abscissas in prima statione habebis primum numerum ponendum in regula proportionum, quare dices si hic numerus proximè inuentus dat partes abscissas in prima statione, quot dabit distantia F. A., sicq; semper optatum habebis.


*Conspecta ædificij tantum summitate interuallum hori-
zontale inter dictum ædificium & terminum in
plano positum indagare. CAP. IV.*

SI forsan cogamur metiri horizontalem distantiam D. B. ex intuitu signi C., & ob impeditam retrocessionem termini aliam stationem eligere impossibile esset. Constituti in loco D. humili scilicet, per latus D. A. aspicientes terminum B. notabimus partes abscissas à perpendicularo, tunc ascendemus ad punctum E. Cum videlicet eo loci est turris vel quoduis aliud ædificium, & per brachium E. F. iterum aspicientes terminum B. notabimus partes abscissas, quæ in vtraq; statione sunt primi, vel secundi centenarij, vel in vna sunt primi, in altera secundi. Secet autem primum partes primi centenarij, sic institues ratiocinium; differentia partium abscissarum primæ & secundæ stationis dat 100. quot dabit distantia D. E., quæ per mensurationem nota esse debet, quartus autem numerus distantiam quæsitam iudicabit.

Secundo interfecet in vtraq; statione secundum centenarium, vt in prima 60., in secunda 75. differentia harum partium est 15., ex scala immobili excipias quantitatem 100. partium hanc aptabis punctis partium abscissarum in secunda statione hoc est 75., & excerpes interuallum inter puncta differentie partium abscissarum hoc est 15. quod mensuratum supra scalam immobilem abscondet 20., quem numerum seruabis, mox ex scala immobili accipies quantitatem 60. partium, & sunt abscissæ in prima statione, hanc aptabis punctis 20. 20., hoc est nuper inuento numero, & excipies interuallum inter puncta distantia D. E., quæ in hoc exemplo sit pedum 10., quod mensuratum supra scalam immobilem abscondet 30., quare dicendum distantiam quæsitam esse pedum 30.

Tertio & vltimo interfecet in prima statione secundum centenarium in secunda autem primum, vt in prima 40. in secunda 70. Operatio est omnino eadem ac in proximo superiori casu, quare ab exemplo suprascedendū credo.

Data




Data longitudine alicuius turris vel edificij perpendiculariter alicui plano insistentis, distantiam horizontalem basis percipere.

CAPVT V.

Sit exploranda distantia horizontalis basis B. à termino C., ex loco eminentiore turris A.B. Constitues instrumentum

V S V S

mentum in sterione A., ita vt per brachium A. D. aspicias terminum C., perpendicularum enim interfecabit primum centenarium quando distantia B. C. est maior quam altitudo A. B., vel secundum centenarium quando scilicet distantia proposita minor fuerit altitudine turris, vel tandem cadet inter primum & secundum centenarium quando distantia B. C. altitudini A. B. æquabitur. Scindat autem primo secundum centenarium, quare dices si 100. dant partes abscissas quod dabit altitudo B. A., quartusq; numerus ostendet distantiam B. C. secundo si abscindit primum centenarium, tunc dicendum si partes abscissæ dant 100. quot dabit altitudo A. B., & ex quarto numero coliges distantiam B. C.



Capitulum V
 In triangulo recto
 Dato

CIRCINI PROPORTIONIS 48

Data turris longitudine distantiam horizontalem duorum terminorum in planitie positorum ab illius summitate dignoscere.


C A P V T V I.

PROponatur longitudo A.G. separata à base C. turris B. C. interuallo quouis C.A., quæ sit perspicienda è loco alto B. Dispones instrumentum in statione B. , ita vt centrum illius sit ad perpendicularum turris , tunc per brachium B. D. seorsim aspicias terminos A. , & G. notando partes sectas in vtriusq; termini obseruatione, in qua triplex tibi casus accidere potest, vel enim in obseruatione vtriusq; termini perpendicularum abscindit primum, vel secundum centenarium, vel in remotiore primum in viciniore secundum. Supponamus primo in vtraq; obseruatione interfecare secundum centenarium, itaq; dices si 100. dant differentiam partium abscissarum, quot dabit altitudo C.B., quartus numerus ostendet distantiam A. G.

Secundo supponamus abscindere primum centenarium, tunc sic procedes si differentia partium abscissarum dat 100. quot dabunt partes abscissæ in viciniore distantia A., & habebis quartum numerum, cum quo sic dices, si partes abscissæ in remotiori distantia B. dant quartum hunc numerum proximè repertum, quot dabit altitudo C.B., ex qua operatione habebis distantiam quæsitam A. G.

Tertio & vltimo abscindat in remotiori distantia primum centenarium, in viciniore autem secundum, primo itaque sic ratiocinaberis, partes abscissæ in remotiori distantia G. dant 100. quot dabit altitudo C. B. quartusque numerus ostendet distantiam C.G., iterumque dices, si 100. dant partes abscissas in viciniore distantia A, quot dabit altitudo C.B. habebisque in quotiente distantiam C. A. quæ à priori C. G. sublata, relinquit distantiam. A. G. quæsitam.

Nulli



Nulli dubium quod per haec tenus dicta nota turris vel aedificij altitudine distantiam horizontalem basis ab aliquo signo huius instrumenti beneficio inuenire possumus, verum si propter aliquod impedimentum turris altitudo minus nota esset, pateant tamen duo loca. A. & G. in quibus geminata obseruatio institui possit, non minus illud idem praestabimus. Sit enim indaganda distantia basis C. à puncto B. ex vtraque statione. A. & G. diligenti obseruatione facta eiusdem signi B. signabis partes in vtraque statione sectas, quae quidem

ratio erit satisfacilis dicendo, si differentia partium abscissarum in prima & secunda statione dat centum, quot dabit altitudo A.G. Tertio & ultimo si in statione A interfecerit primum centenarium, in statione verò G. secundum, sic inquires si partes abscisse in prima statione vt puta A. dat 100. quot dabunt 100. à quociente subducas partes abscissas in secunda statione vt puta G. cum residuo iterum dices, si hoc residuum dat 100; quot dabit altitudo A.G. sicque indagasti distantiam C.B.

Data turri vel edificio vt prius ex duabus stationibus inuenire distantiam horizontalem duorum terminorum in plano ad quos illud edificium ad perpendicularum est erectum etiam si altitudo ipsius ignoretur. CAPVT VII.


PER præcedens Cap. inueniatur distantia basis turris ab vnoquoque termino dato, vt si in superiori exemplo ex duabus stationibus A & G. indaganda esset distantia D. B. dico quod prius inueniri debet distantia C.D., tum distantia B. C. per superius tradita, sublata enim minore C. D. ex maiore C.B. relinquetur D.B. distantia quæ sita. Hæcquæ; hætenus dicta ni fallor satis commodè possunt omnibus distantijs dimetiendis inferuire, nunc ad altitudines veniendū.

Altitudinem aliquam ad cuius basim pateat accessus ex loco plano dimetiri. CAP. VIII.

SI metiri volueris altitudinem B.C. in loco planitie A.C. cum ad basim C. pateat transitus. Constitutus in A. per brachium instrumenti A.D. respicies sumitatem B. turris, vel rei metiendæ; notando tamen vbi perpendicularum cadat, vel enim interfecabit primum, vel secundum centenarium, vel tandem cadet inter vtrumquæ; Sit itaq; vniuersalis hæc regula si cadit inter vtrumquæ altitudo B. C. erit æqualis distantie A.C. Si autem abscindit secundum centenarium

CIRCINI PROPORCIONIS. 50

narium dicendum si partes abscissa dant 100. quot dabit
 distantia A.C. Tertio si abscindit primum centenarium,&
 tu inquires si 100.dant partes abscissas, quot dabit distantia
 A.C. , utrobique enim relinquetur altitudo C. B., quæ om-
 nia quam facîle per lineas linearum præstari possint , non
 est quod denuò repetam.



Altitudinem ex duabus stationibus dimeriri, quando scilicet accessus ad basin non datur.

C A P V T I X.

SI depræhendenda foret altitudo superius posita B. C. ad quam obseruator accedere nequiret propter impedimēta vallium, vel fossarum, vel aliarum huiusmodi rerum. Obseruetur sumitas B. in stationibus A. & E, in quibus vel perpendicularum secat primum centenarium, vel secundū, vel in vna primum in altera secundum. Intersecet autem E. g. secundum, tunc dicendum si differentia partium abscissarum in prima & secunda statione dat 100. quot dabit distantia A. E. ex quartoque numero habebis altitudinem B. C. Notandum tamen non solum in hac operatione, sed in omnibus alijs hæcenus dictis, & inferius dicendis, quod cū homo humi constitutus obseruare minime possit, sed iuxta à solo requirat distantiam, quod semper altitudo instrumenti addenda erit inuentæ altitudini. Intersecet secundo in vtraque statione primum centenarium quare dicendum, si partes abscissæ in remotiori statione A. dant 100., quot dabit differentia partium abscissurarum in prima & secunda statione. Iterum postea inquires si quartus numerus mox inuentus dat partes abscissas in viciniore statione, quot dabit distantia A. E. Tertio & ultimo in viciniore statione E. abscindat perpendicularum primum centenarium, in remotiori A. secundum, primum dicendum partes abscissæ in remotiori statione A. dant 100., quot dabunt 100., iterumque dicendum si quartus numerus mox indagatus dat 100. quot dabit distantia A. E., & ex proueniente numero habebimus altitudinem quæsitam.

Portio-

CIRCINI PROPORTIONIS 51


Portionem quampiam alicuius altitudinis ex aliqua planitie percipere cum ad basim dictæ altitudinis accedere conceditur.

CAPVT X.

Libeat explorare quanta sit altitudo portionis A.B. à termino C. planitie, cuius termini distantia à base E. haberi possit. Obserua fines dictæ partis eminentis nempe A. & B. in statione C. & notabis sectionem perpendiculari ad vtriusq; obseruationem, quod quidem vel in vtraq; abscindet primum, vel secundum centenarium, vel in vna primū, in altera secundum. Abscindat primo in vtraq; obseruatione primum centenarium, ita dicendum, si differentia partiū abscissarum in vtraq; obseruatione dat 100. quot dabit distantia C. E., ex quarto enim numero elicies altitudinem B. A., sed lubet hoc loco vti exemplo, ne dum nimiam breuiatē desideramus obscuritatem consequi videamur. Sit itaq; distantia C. E. per mensurationem nota pedum 86. partes abscissæ in prima obseruatione vtputa C. A. 15. in secunda C. B. 60., differentia harum partium erit 45., quare ex scala immobili accipies quantitatem 100. partium, hanc aptabis punctis differentie partium abscissarum, hoc est punctis 45. 45. & immoto instrumento excipies interuallum inter puncta distantie C. E., hoc est 86. quod mensuratū supra scalam immobilem abscindet 191. ferè, quare dices altitudinem A. B. esse pedum 191. Quod si secundo interfecet in vtraq; statione secundum centenarium, vel tertio si in humiliori obseruatione interfecet secundum, in remotiori primum centenarium, tunc istæ operationes pendent à secundo & tertio casu cap. 9. intelligendo loco distantie in plano altitudinem partis conspectæ in sublimi, quare vltorius hæc explicare superuacaneum credo.

Si

Portiones quatuordecim altitudinis ex altitudine
 hinc portiones septem hinc altitudinis ex
 altitudine caetera caetera.



Si autem turris A. E., cuius portionis B. A altitudi-
 nem inquirimus radix propter aliquod impedimentum mi-
 nus videri posset, ita vt distantia C. E. ignota reddatur, pos-
 sumus nihilominus ex duabus stationibus optatam altitudi-
 nem

CIRCINI PROPORTIONIS 52

nem assequi. Per cap. enim 9. inueniemus altitudinem B. C., atq; etiam A. C., tum subducemus altitudinem B. C. ab altitudine A. C. relinquiturq; mensura altitudinis quaesita A. B.

Altitudinem dimetiri cuius distantia à basi per mensurationem dari minime contingat, neq; etiam accedi vel recedi possit per lineam rectam.

CAPVT XI.

Proponatur in proximo superiori exemplo altitudo A. E. mensuranda, cuius distantia à basi ignota est, nec datur locus accessus aut recessus per rectam lineam à loco stationis C. in qua obseruator collocatur, sed lateraliter tantum moueri possit. Per illa, quæ Cap. 1. docuimus inquiratur distantia terminorum C. & E. qua habita in statione C. obseruabis sumitatem A. per illa enim, quæ Cap. 8. docuimus nullo ferè negotio exquires dictam altitudinem A. E.

Superiorem partem alicuius altitudinis ex aliquo plano obseruare, quamuis nec distantia ab eius basi haberi possit, nec accedere, nec recedere per rectam lineam valeamus.


CAPVT XII.

Insistentes superiori dato exemplo si indaganda esset altitudo A. B. distantiaq; C. E. esset ignota, nec obseruator propter impedimenta posset per rectam lineam recedere à statione C. per illa, quæ Cap. 1. docuimus inquiratur distantia C. E. qua habita cognosces etiam altitudinem ipsam B. A. per illa, quæ Cap. x. tradidimus.

Data

Data edificij altitudine ex ea minorem altitudinem dimetiri. CAP. XIII.

Sit turris A. B. ex loco A. sit metienda minor altitudo C. D. Dispones instrumentum vt eius centrum sit ad perpendicularum cum linea A. B., tum per brachium A. E. re-




spicies signum C. & notabis partes abscissas à perpendicularo, iterum deprimendo brachium A. E. respicies signum D. notabisq; etiam partes abscissas à perpendicularo, quæ vel in utraque obseruatione sunt primi, vel secundi centenarij, vel in vna primi, in altera secundi. Primum autem sint primi, quare dices si partes abscissæ in secunda obseruatione
A. D.

A. D. dant differentiam partium abscissarum in vtraque obseruatione, quot dabit altitudo B. A. sint secundo secundi centenarij, primum dices si partes abscissæ in prima obseruatione A. C. dant 100. quot dabit differentia partium abscissarum in vtraq; obseruatione, cum quartoque numero iterum dices, si 100. dant quartum numerum modo inuentum, quot dabit altitudo B. A. Tertio & vltimo ponamus in prima obseruatione A. C. abscindere primum centenarium, in secunda autem A. D. secundum. Primum dicendum erit si 100. dant partes abscissas in prima obseruatione A. C., quot dabunt partes abscissæ in secunda obseruatione A. D. quartum inuentum numerum subtrahimus ex 100, cum quo residuo iterum dicimus, si 100. dant hoc residuum, quot dabit altitudo B. A. vtrouique enim habebimus altitudinem C. D.

Verum tamen si è conuerso ex humiliori lo. C. inuestiganda esset maior altitudo A. B. per Cap: V. colligas distantia B. D., iterumque sic accommodabis instrumentum, vt per brachium C. F. respicias sumitatem A. C. G. autem efficiat quasi vnum planum, per cap. 8. venaberis altitudinem G. A. quæ ad iuncta minori altitudini C. D. per mensurationem cognitæ constituit totam A. B. altitudinem.

A sumitate arcis altitudinem eiusdem edificij cognita tamen prius distantia horizontali basis eius ab aliquo loco colligere. CAP. XIV.

Sit arcus A. B. è cuius sumitate A. per obseruationem signi C. cuius distantia à basi B. habetur, altitudo ipsius B. A. inquirenda est. Per hoc instrumentum operâdo ex intuitu signi C. perpendiculum interfecare poterit, vel præcisè duos centenarios, & tunc altitudo metienda equatur distantie B. C. notæ, vel interfecare poterit primum, vel secundum centenarium, vt si primo interfecerit secundum dicendum erit partes abscissæ dant 100, quot dabit distantia C. B. quod si inter secet primum, è conuersò 100. dant partes abscissas, quot dabit distantia C. B. vtrouique enim relinquetur altitudo A. B.



E duobus locis alicuius altitudinis ipsam altitudinem indagare, obseruando quodpiam signum in plano licet eius distantia à basi per mensurationem dari non possit. CAP. XV.

Inuestigaturus altitudinem G. C., quæ quidem proposita fuit cap.6., ex duabus stationibus in ea factis G.& A. Vt superius dictum fuit tam ex G., quam ex A. diligentissimè respicies ad punctum B., notando semper partes abscissas à perpendiculari, quæ vel in veraq; erunt primi, vel secundi centenarij, vel in vna primi, in altera secundi. Pona-


mus primo in vtraq; statione interfecare secundum centenarium, tunc prout cap. 6. docuimus inquis si partes abscissæ in secunda statione vtrputa in G. dant 100. quot dabit differentia partium abscissarum in vtraq; statione, deinde iterum dices si hic quartus numerus modo repertus dat 100 quot dabit altitudo G. A. proueniens enim numerus ostendet residuam altitudinem A. C. cui si cognitam altitudinem G. A. adieceris habebis quæsitam altitudinem G. C. Ponamus secundo interfecare primum centenarium, tunc dices si differentia partium abscissarum in vtraq; statione dat partes abscissas in secunda statione G. quot dabit altitudo G. A. Ponamus tertio quod in statione A. interfecet primum, in statione G. secundum centenarium, tunc primo dicendum vt dicto etiam 6. cap. diximus, si partes abscissæ in secunda statione G. dant 100. quot dabunt 100., ex proueniente numero subtrahantur partes abscissæ in prima statione A., cum quo residuo iterum dices, si hoc residuum dat quartum numerum proximè inuentum, quot dabit altitudo G. A. vtrobiq; enim habebitur tota quæsitam altitudo G. C.

Cognita distantia duorum signorū in plano altitudinem adificij in quo obseruator collocatur prompte adinuenire. CAP. XVI.

CAput hoc est conuersum præcedentis cap. 6. obseruabis itaq; (sicut præallegato cap. dictum fuit) terminos A. & G. vt illa eadem figura vtar, ex loco alto B., animaduertens si in vtriusq; conspectu abscindit perpendicularum primum, vel secundum, vel primum & secundum centenarium, prout ibi diximus. Abscindat primo secundum, inuertas regulam ibi datam, & dicas si differentia partium abscissarum, dat 100., quot dabit distantia A. G. Si secundo interfecaret primum centenarium, & tu conuerteres secundam partem secundæ regulæ, dices enim si quartus numerus indagatus dat partes abscissas in remotiori distantia B. G., quot dabit distantia A. G. Quod si tertio loco abscindat in remotiori distantia primum in viciniore secundum centenarium

tunc primo dices si partes absciffæ in remotiori distantia B. G. dant 100., quot dabunt 100., ex proueniente subtrahantur partes absciffæ in viciniore distantia B. A., cum residuo iterum dicatur si hoc residuum dat 100., quot dabit distantia A. G., ubiq; enim habebis altitudinem C. B. satis superq; quantum ad præfens negocium spectat de altitudinibus loquuti veniamus ad profunditates.

[Faint, mirrored text bleed-through from the reverse side of the page, including words like 'altitudinem', 'distantia', and 'profunditates']



Profund.

CIRCINI PROPORTIONIS 56 55

Profunditatem perpendiculariter in terram descendentem dimetiri, quando ad eius orificium patet accessus, & potest ipsius orificij latitudo sciri.

C A P V T X V I I .


Non differt hæc operatio ab illa quam 14. cap. exposuimus intelligendo hic profunditatem, quod ibi altitudinem diximus. Accommodato itaq; instrumento, vt in superiori figura vides, ita vt ex puncto A. respicias punctū D. notabis partes abscissas, quæ vel erunt secundi centenarij, quando profunditas maior erit latitudine putei, vel primi centenarij quando profunditas à latitudine superatur, vel tandem cadet perpendicularum inter primum & secundum centenariū quando profunditas equalis est latitudini. Si interfecat secundum centenarium, sitq; nota A. C. orificij scilicet quantitas, dicendum si partes abscissæ dant 100. quot dabit latitudo A. C. tandem si interfecat primum, quod tamen raro accidit dicendum si 100. dant partes abscissas, quot dabit latitudo A. C.

Si autem rectè percepisti illa, quæ cap. 9. tradidimus licet non detur putei latitudo C. A. ob aliquod obstaculum, poteris nihilominus ad eundem scopum alia via contendere. Erigendo baculum C. E. notæ alicuius magnitudinis in quo respiciendo signum B. facies duas stationes, quod si hoc loco transferes illa, quæ cap. 6. diximus intelligendo vicè altitudinis profunditatem, & vicè eminentis altitudinis in qua duæ stationes ibi fiunt, baculi longitudinem nullam omnino habebis difficultatem, quare superuacaneum esset vltius hæc explicare.

Profunditatem aliquam oblique descendentem etiam si ad superiorem illius terminum nullo pacto possit accedi depræbedere. C X P. XIIIX.

Sit in exemplo uallis A. C. D. cuius profunditas sit exploranda, ex statione A. cape distantiam terminorum A. C. per illa, quæ Cap. 1. docuimus, hæc autem sit B. g. pedum

48. tum ex puncto A. respiciendo signum C. videbis vbi
 cadat perpendicularum, & sit primum inter duos centenarios,
 quare vt ex datis elicias profunditatem quasitan, disponas



lineas linearum ad angulos rectos, ut Cap. 2. docuimus & ex
 cipe interualum inter dimidium partium abscissarum, hoc
 est inter puncta 24. 24, quod mensuratum supra scalam in
 mobilem abscindet 34. ferè, quanta scilicet erit ipsa profun-
 ditas

CIRCINI PROPORZIONIS. 56

ditas B.C. interfecet secundo primum centenarium, ut puta 80. dispositis lineis linearum ad angulos rectos vt diximus excipias interuallum inter puncta 100. & 80. quod mensuratam supra scalam immobilem abscindet 128. quã proximè, iterumq; dices numerus hic repertus 128. dat partes abscissas 80., quot dabit distantia A. & facta operatione vel per dictas lineas, vel per vulgatam regulam auream habebis profunditatem indagatam. Interfecet tertio secundum centenarium vt puta 47. Ex dispositis lineis linearum ad angulos rectos excipias distantiam inter 100. & 47. quã mensurata supra scalam immobilem abscindet 110. ferè, quare iterum dicendum si 110. nempe numerus mox inuentus dat 100., quot dabit distantia A.C. proueniens enim numerus dabit profunditatis dimensionem quãsitam.

Ex alio loco profunditatem aliquam respectu humilioris loci explorare. CAP. XIX.

Sint in superiori figura duo montes A. C. & C. D. inter quos claudatur vallis A. C. D. cuius quidem profunditas respectu minoris montis sit percipienda, quã sanè accipitur penes perpendicularem B.C. Per tradita Cap. 1. sume vtramq; distantiam D. C. & D.A., tum ex puncto D. respicias terminum C. notando partes sectas & cuius nam centenarij sint, nam ex his erues facillimè altitudinem E. D. iuxta tradita cap. 18. nec non etiam ex obseruatione summitatis A., ac ex cognita distantia D.A. habebis portionem F.D. quã de maiore altitudine D.E. detracta relinquet minorem montis altitudinem respectu termini C. cui æqualis est profunditas C. B. Hæc q; hactenus dicta sufficiant, si quis plura desiderat non desunt qui copiosissimè quadratus geometrici usum proposuerunt, ex quibus etiam, modo rectè percepta sint quæ à nobis fuerunt explicata, facili negotio colligere licet, quomodo per hoc nostrum instrumentum spatium aliquod terræ tum planum tum non planum pro ducendis aquis librare possimus. Interim amice Lector valeas nostrosq; conatus boni æquiq; consulas.

F I N I S.

1607. die Martis, 27. Mensis Februarij
Patauij.

Ego Ioseph Tinacius, Sac. Theologorum Patavi Collegio cooptatus, ut D. Benedicto de Benedictis, Philosophia, Medicinæq; Doctore optimo iuxta, atque Excellentissimo quem plurimas ob causas maximo prosequor amore, rem gratam præstarem, ea, qua potui, diligentia præfens linearum, figurarumq; vidi Opus, plenum; vsus inscriptum (videlicet) & fabrica Circini cuiusdam proportionis, per quem omnia tam Euclidis, &c. Balthasaris Capre, nobilis Mediolanensis; paginis, num. 60. cum dimidia, integris contentum; a prima quidem pagina, vsque ad 41. capita 52 a 41. vero pagina, vsque ad finem, 19. capita continens. cuius sane operis initium est. Bonum ipsum ex sua natura communicabile esse & c. finit autem. Interim Amice Lector valeas, nostrisq; conatus boni equiq; consulas: legi etiam duas Epistolas præfentes, dedicatorias nuncupatas, alteram nempe Illustrissimo Principi Ioachimo Ernesto &c. quæ incipit Philippo Macedone Græciam occupante &c. finitq; , collocasse aperitissime cognosceret. valeas datum Patauij nonis Martij, 1607. Alteram vero. D. Balthasari Capræ, dedicatam. quæ quidem incipit. Ego vero illud sane perpulchrum &c. hoc autem sine perficitur, exopto felicitatem ex flu mine Kal. Ianuarij 1607 in quo profecto opere, epistolisq; , ambabus sic existentibus, prout in præfentiarum iacent, quod Christianæ fidei, catholiceq; Dogmatibus, bonis sine moribus, seu denique Christianis Principibus, catholicisque aliquo modo aduerteretur, nihil contineri meo iudicio reperi. Quinimmo id operis doctrina æque, ac sermonis elegantia referum, se se mente, animoq; sincero per lecturis, vel maximo emolumento fore, opinor Veramenimvero, quoniam sæpenumero dormitat Home rus, ideo me submisisse cuiuscunque saniori iudicio, præsertimque Sanctæ Matr. Ecclesiæ Catholicæ, & Apostolicæ submitto quare &c.

Imprimendi licentiam Concedit Fr. Zaccarias Vreolus de
Rauenna Inquisitor Paduæ stâte suprascripta attestatio
ne accedente de consensu Reuerendissimi D. Vicarij G.

Eandem Licentiam concedo ego Alexander Teren-
tius Vic. Episcopalis attenta suprascripta Tinacij
attestatione.

BIBLIOTHECA
V. N. I. V. S. S. S. S.
ALELL.
GRA. S. V. I. N. O. I. S.

